

NKUCETELO WA UN'WANA



Ndza khensa, Makwerhu Neville. Hosi a yi ku katekisi.

I madyambu lamanene, vanghana. Swikahle ngopfu kuva kwalahawani nakambe emadyambyini lawa, etabernakeleni, ku ta vulavula nakambe hi Hosi ni Muponisi wa hina, Loyi hi nkwerhu hi n'wi rhandzaka, ndzi pfumela tano. Kumbe, a hi tava hi nga tshamanga kona lahawani eka muaku lowu wo hisa, hi tshitsingarile endleleni leyi hi nga eka yona emadyambyini lawa, loko a hi nga N'wi rhandzanga. Hikokwalaho, xexo hi xona xikongomelo xa hina xa kuva hi ri lahawani, xa ku N'wi kombeta leswaku ha N'wi rhandza. Nakona ku hlanganyela ka hina iku—iku famba loku kulu loko hi ehleketa hi nkarhi wa Yena wo n'wi tshunelela, tani hilaha hi vonaka masingita ya humelela, ya Xinavetiso xa Yena, hi languterile awara ya leyo ya kahle, laha hi nga ta N'wi vona.

² Kusukela loko ndzi tava ndzi ri lahawani Sonto wu n'wana, wa vhiki, ku vile ni votala lava nga ya emahlweni va ya hlangana na Yena. U n'wana a ri Manana Ford, Manana Levi Ford. A ri ni malembe ya makume nhungu hi vukhale, wansati wa nkoka. Nuna wa yena u loville, nkarhi lowu hundzeke. A ri munhu wa khale wa swa Tinyimpi ta Spanish eAmerika. Kutani eka matimu ya vutomi bya mina ndzi boxile vito ra jaha ra yena. Hi un'wana loyi a ya eku ndzi nyikeni suti yaleyo, maswitiva, endzhaku ka loko a tava a yi ambarile. Leswaku, su—su suti ya . . . Ndza pfumela leswaku i suti ya jaha ra nhlorhi. Nakona u . . . Loko ndzi ya emahlweni kuya kuma xiphemu xa yona, a kova na sokisi nyana leri a ri sele.

³ Kutani Lloyd swi nga ha endleka a ri kwalahawani, madyambu lawa, jaha leri ri fanaka. Nakona ndzi twile hi ta nkosi wa mhani wa yena, siku ri n'wana. Kutani u ndzi komberile, a ku, “Billy, ndzi tsakela leswaku u nga vulavula hi swin'wana leswi swi kombisaka leswaku mhani wa mina u ta pfuka nakambe.” Kutani Hosi yi ndzi nyikile hungu ha swona, hi ku kongoma, swi va tano. Loko, Bibebe, ntumbuluko hi nkwawo, hinkwaswo leswi Xikwembu xi nga swi tumbuluxa, swivulavula hi ku va ta pfuka nakambe. I mani—i mani a nga ta vulavula hi kulwisana na Swona xana? Wa vona? Xikwembu xi vule tano, xi swi kombisisa hi ntumbuluko wa Xona! . . . ? . . . Xi swi kombisisa hi Rito ra Xona, xi swi kombisisa hi vutomi bya yena, swin'wana ni swin'wana, u fanele ku pfuka. A kuna—a kuna ndlela yi n'wana, ku hava . . . Matilo ni misava swi nga ha tsandzeka, kambe sweswo swi ngaka swi nga tsandzeki. U fanele ku vuya nakambe.

⁴ Kutani, tolweni, mininjhere loyi a toloveleke kuva na mina, Nkul. Baxter, votala va n'wina ma n'wi tsundzuka. U vulavurile

a ri kwala eka platifomo ya leyi. Nsati wa yena u lovile, hi xitshuketa, hi ku khomiwa hi vuvabyi bya mbilu. Kutani a tsemeke nhlana ni ku twisa vusiwana. Ndza pfumela leswaku mi ta n'wi tsundzuka Makwerhu Baxter eka swikhongelo swa n'wina, loko ma ha khongela, hikuva hi un'wana wa vamakwerhu va hina. Nakona u tshama eVancouver, British Columbia. Nakona a nga kalanga a va na mina, sweswi, kuringana malembe yo hlaya. Kutani ndzi switwile leswaku nsati wa yena u na maendlelo ma n'wana ya ritukulu, kumbe swin'wana, nakona, xikan'we-kan'we, a khomiwa hi vuvabyi bya mbilu, a va a fambile. Ntsena hi ngaka hi nga vuli leswaku swi ta vitana nkarhi muni. Nakona loko A—A vitana, hi fanele hi va hi tilulamisile. Xexo hi xona xivangelo xa kuva hi ri lahawani, madyambu lawa.

⁵ A ndzi ri eku hlayeni lahaya, e hofisini, kumbexani, ndzi vulavula na Nkul. Moore. U ndzi khongeterile eka sweswo. A ndzi ri eku ringeteni ka ku balekela ku Khensa. Ndzi lavile kuva ni nhlengeletano lahawani ya Siku ro Khensa, kutani ndzi ya e Shreveport. Xivangelo, a ndzi nga swikoti hi kutika ku swi endla. Kutani eku heteleleni u teri, "Kunene, loko u ri ni tinhlengeletano tinharhu sweswi, ni kuya u ya va ni Swilemo swa Nkombo swa vona, endzhaku, swingaleswi u nga hi nyika sweswi siku lero rin'we, hi ndlela yin'wana." Swingaleswi ekuheteleleni. . . A hi ya eku n'wi nyikeni ka Wavuntlhanu walowo, Muqhivela, ni Sonto. Kutani sweswi na n'wi tshembhisa, kutani, Wavumune, Wavuntlhanu, Muqhivela, ni Sonto. Kutani kutava ku ri, Pentekosta, ri tava ri ri ni malembe ya makume ntlhanu hi vukhale, e Louisiana, Siku ro Khensa. Yi wele eka makume tlhanu wa malembe lawa ya hundzeke, eLouisiana.

⁶ Sweswi, mundzuku ni mixo, hi ta tshikelela leswaku un'wana ni un'wana loyi a pfumalaka xi—xi xikolo xa Sonto mi ta ngenela. . . Ndzi vona Makwerhu wo hlawuleka Don Ruddell lahawani, nakona ndza switiva leswaku a ri ni xikolo xa Sonto ni mixo. Nakona swi nga ha endleka ku ri ni va ministara va n'wana kwalahawani, kusuka kwala kusuhi eka vaekelani, lava a va ri ni xikolo xa Sonto. Sweswi, hi milava mi ya eka xikolo lexi xi nga xa n'wina xa Sonto, loko mi ri na xona. Kambe loko mi nga ri na xona xikolo xa Sonto, nakona mi tsakela kuva na hina, ndzi lava ku vulavula emixweni, niku swi vekela eka bodo yo tsalela, niku dyondzisa hi *Xifaniso Lexi Heleleke Xa Munhu La Hetisekeke*, niku xi pfapfarhuta, eka bodo yo tsalela, niku kombisa swilaveko swa Xikwembu ni leswi hi tisika xiswona eka xifaniso lexi xi hetisekeke xa—xa Munhu la hetisekeke, emahlweni ka Xikwembu.

⁷ Kutani emadyambyini ya mundzuku, hiku rhandza ka Hosi, ndzi lava ku vulavula hi dyondzo leyi nge *Muleteri Wa Mina*. Swingaleswi, loko va n'wana va n'wina lava mi humaka ehandle ka doroba, kutani hi lava ku ringeta ku sungula

ni swikhongelo leswi ka ha ri ni nkarhi. Loko... A ndzi se vulavula na mufundhisi sweswi, kambe ndzi tsakela leswaku misungula xikolo xa Sonto ka ha ri ni nkarhi swinene ni mixo. Kutani kereke madyambu ya mundzuku, kumbexani, loko swi nga koteka, yi sungula hi hafu ku bile awara ya ntsevu kumbe swin'wana. Kutani sweswo swi ta nyika vanhu nkarhi, ... Swingaleswi, loko va lava ku tshama, hi ta huma, kumbexani, hi hafu ku bile awara ya nhungu. Nakona van'wana va vona...

⁸ Ndzi hlanganile ni n'wa mhani namuntlha, loyi a chayela tinharhu kumbe mune... kwalomuya. U teri, loko hi nga huma, hi awara ya nhungu kumbe hafu ku bile awara ya nhungu, u ta fika ekaya hi kwalomu ka hafu ku bile awara ya mbirhi kumbe awara ya nharhu, hi mixo lowu landzelaka, nuna wa yena u ya entirhweni. Swingaleswi, hi ngaka hi nga endli nchumu, hi ndlela yin'wana, ...? ... ntsena ku thathasela, swingaleswi—swingaleswi a hi teni ekerekeni ka ha ri ni nkarhi, madyambu lawa. Nakona hi hava, maswitiva, a hi kali hi lava fomo eka leswi. Xikwembu a xi na fomo, maswitiva, Biblele...? ... Swingaleswi ndza tshembha leswaku hinkwenu mi tava mi ri kwalahawani, ni hinkwavo lava nga ta swikota.

⁹ Sweswi, loko mi ri ni swikhongelo leswi nga swa n'wina, tsundzukani, leyi i tabernakele ya nhlengeletano ya tikereke hi nkwato ta tidinominexini laha vanhu...? ... va taka. Nakona ha kanyingi mintshungu ya hina yi endliwa hi vanhu lava va humaka ehandle ka doroba.

¹⁰ Sweswi, loko swi nga humelela...? ... leswaku ku ngava kuri ni valuveri lahawani, ndzi lava ku mi kombisa swin'wana. Nakona ndzi famba-fambile eka platifomo, kutani a ndzi voni—a ndzi voni ni vanhu va khume lava ndzi va tivaka. I va ngani vanhu lava humaka ehandle ka doroba ra Jefferson...? ... Yimisani mavoko ya n'wina. A haa. Wa vona? Makume nkaye-nkaye wa tiphesente. A haa. Wa vona? Ntsena i va nghana. I va ngani...? ... lahawani lava va humaka eka mpfhuka wa dzana ra timayili? Yimisani mavoko ya—ya n'wina. Ku ni makume ntlhanu wa tiphesete, ta vona, lava humaka ku tlula dzana ra timayili. I va ngani lahawani lava humaka eka ku tlula madzana mambirhi ya timayili? Yimisani mavoko ya n'wina. Huu! Madzana ya nharhu ya timayili; yimisani mavoko ya n'wina. Vonani lahaya. Mune wa madzana ya timayili; yimisani mavoko ya n'wina. Vonani lahawani. Ntlhanu wa madzana ya timayili; yimisani mavoko ya n'wina. Langutani lahaya. Ku tlula xanharhu xa nhlengeletano, ku tlula ntlhanu...? ... ya timayili. Wa vona? Kova ntsena vanghana lava hlengeletaneke va humaka ekusuhi!...? ... va nga tava lahawani. Swingaleswi hi tsaka ngopfu ha n'wina, nakona hi lahawani ku mipfuna. Hi lahawani ku ta endla hinkwaswo leswi hi nga ta swikota eka n'wina.

¹¹ Sweswi, ntsena a ndzi ri ekuhlayeni endzhaku lahaya, rin'wana, ra papila leri jaha ra mina a ndzi tiseleke rona, ra manana loyi a nga vula leswi. Hi kuta, eka nkarhi lowu, kutava kuri marendzo ya makume nharhu-ntlhanu lawa a nga tata, a ri karhi a tshembha eka leswi a nga ta khongeleriwa eka swona. Minkarhi ya makume nharhu-ntlhanu, u chayerile ku ringana madzana ya timayili. Marendzo ya makume nharhu-ntlhanu.

¹² Nakona kutani, tsundzukani, ku ni kwalomu ka madzana ntsevu ni swin'wana, swi rindzeleke eka papila ro rindzela, kusuka eka misava hinkwayo, ku ringeta ku nghena eka, minkonaniso. Maswivona, swi ri endla swi saseka kuhambana. Loko ntsena hi ehleketa ha swona lahawani, a swi talanga ngopfu, ntsena hi nga ha switwa sweswo. Wa vona, swi misava hinkwayo. Nakona swingaleswi hile ka...?...

¹³ Swi nga hlamarisa loko manana ya loye a ri kona emuakwini namuntlha, marendzo ya makume nharhu-ntlhanu, u tsale papila a vula leswaku u tava lahawani mundzuku? Kuringana makume nharhu-ntlhanu wa minkarhi a ri karhi a ta lahawani, a ri hava leswi a fanekele a khongelersiwela swona. Ndza vhumbha leswaku a nga kona emuakwini, kumbexani a nga swi kotanga ku ta. Kambe ntsena a ndzi ri eku hlayeni ka papila ra yena endzhaku lahaya.

Sweswi, minkarhi hinkwayo ndza ringeta leswaku, loko ndzi ta lahawani, eka...loko ndzi ri eka...?... , ku ta vulavula hi swin'wana, ku ngari ntsena kuvulavula, kumbe ku ngari swin'wana leswi swi nga tsakisaka vanhu. Ndzi ringetile ku vulavula hi swin'wana leswi swi nga ta tsakisa Xikwembu niku pfuna vanhu, maswivona, ku pfuna, leswaku hinkwerhu, swi ngari na mhaka leswaku i wa kereke yihi, i wa kereke-vito yihi, laha u nga ha vaka u ri kona...?...ku famba u tshunelela Xikwembu.

¹⁴ Kutani xexo hi xona xikongomelo xa hina xa kuva lahawani, ku famba hi tshunelela Xikwembu. Kutani loko hi kuma sweswo namuntlha, tani hi ku hlwela tani hilaha swi nga xiswona, ni ku tshunelela ka Hosi.

Ndzi byerile nsati wa mina namutlha, "Loko ndzi nga kumeki eka mpfuxelelo, ku n'wana, ndzi-ndzi ya eku lovisiweni. Ntsena a—a ndzi nge swi yimeli. Ndzi..." Swin'wana leswi nga endzeni ka mina, swa pfurha! Oho!

¹⁵ Ntsena hi huma eka ku longoloka hinkwako ka tinhlengeletano, laha magidi ya vanhu a va tile. Nakona swi ngari na mhaka leswaku, loko u vile na mamiliyoni mambirhi kumbe manharhu ya vanhu, loko ku ngari na mpfuxelelo...Sweswo hi leswi ntsena hi toloveleke ku swi vurisa xiswona, ehansi eKentucky, nhlengeletano leyi lehisiweke. Maswitiva, hinkwerhu hi ya eka nhlengeletano

leyi yi lehesiweke, hi yi vitanisa xisweswo. Nakona...?...Hi lava mpfuxelelo, laha Moya wa Hosi wu fambaka ehenhleri ka vanhu, ni vanhu va ponisiwa, niku endliwa ka...?...swilo leswikulu ku hetisisa swin'wana swa Mfumo wa Xikwembu.

¹⁶ Kutani sweswi, eka swikhongelo swo khongelela, hi ntolovelu hi...Mi nga ha swivona leswaku hikokwalaho ka yini hi nga swikoti kuva na layini ya xikhongelo lahawani. Wa vona, ntsena swi tshitshingarile, u ngaka u nga swi koti ku swi endla. Wa vona?...?...Hi ntolovelu, eka tilayini ta swikhongelo ku ni vanhu lava va...taka nakona va—va kuma Hosi hi xiviri. Nakona hi kuma leswaku Hosi Yesu a nga kalanga a ncinca ni swintsongo. Kusukela leswi Yena ari xiswona, Wa ha ri tano namutlha, nakona u ta tshamisa xisweswo minkarhi hinkwayo. Nakona Bibeledi yi teri, eka va-Heveru 13:8, leswaku, “Hi Yena tolo, namutlha, ni hilaha ku nga heriki.”

Kutani eka tinhlengeletano ta vanhu lava va hlengeletaneke ku yingisela Yena, eminkarhini ya vona, kumbexani a ve nge ngeni elayinini ya xikhongelo, kambe va tava na ripfumelo ra ku pfumela. Nakona Hosi ya hina yi ta hundzuluka, tani hilaha ripfumelo ra vona ri nga ta Yi khumbha, nakona yi ta hundzuluka, niku byela vanhu leswaku kuna swin'wana leswi hoxekeke eka vona, eka leswi va nga swi endla, nakona eka vona leswaku va famba va hanyisiwile, kumbe ku ya endla swin'wana, ku endla swin'wana leswi lulameke, kumbe swin'wana. Ha switiva hi timhaka ta wansati exihlombyeni; ni wansati loyi a ri ni vuvabyi bya switlhandla; nakona, oho, va tele; lava nga va bofu Bartimiya; lava ripfumelo ra vona ri nga N'wi khumbha. Kutani madyambu lawa, wa hari Yena Muprista Lonkulu wa ku tivula ka hina, ntsena tani hilaha a ri kahle tani hilaha Yena a ri ha kona.

¹⁷ Sweswi, hi fanele hi ti nyikela kuva malandza ya Yena. Hi Yena Vhinya, ma—ma masungulo ya Vutomi. Hi marhavi lawa ya amukelaka Vutomi byebyo. Nakona rhavi ri tswala muhandzu; ku ngari vhinya. Kutani sweswi Kreste u tirha hi Kereke ya Yena. Kutani loko hi nga tiyimisa hi hexe hindlela yaleyo, leswaku Moya wo Kwetsima wu nga ha teka vulawuri lebyi heleleke bya hina, eka ripfumelo ra hina eka Kreste, Wa ha ta endla nchumu wun'we, hikuva i Kreste. Kutani loko mi ri kwalahawani, hi nga tivani... .

¹⁸ Sweswi, hi ntolovelu, vanhu lava nga lahawani...?... etabernakeleni, mufundhisi wa hina lahawani u na xikhongelo xa vavabyi, madyambu man'wana ni man'wana hi ri karhi hi swivona. Nakona mi kuma ku khongeleriwa hi mufundhisi wa hina wo saseka la rhandzekaka, Makwerhu Neville, wanuna loyi a yingisiwaka hi Xikwembu niku hlamula swikhongelo

swa, Makwerhu Orman Neville. Na—na...?... Makwerhu Don Ruddell, ni vamaKwerhu lava n'wana lava va khongelelaka va vabyi. Makwerhu Jackson, ndza pfumela leswaku i kun'wana kwalahawani ekusuhi, kun'wanyana, kusuka eka kereke yin'wana ya sesi ehansi e Howard Park.

¹⁹ Kutani...?...nkarhi lowu, loko ku tele ngopfu, loko ntsena mi nga pfumela eka Xikwembu,...?...hambi mi na xilaveko xa njhani, nakona u muluveri kutani ndzi nga ku tivi, ntsena wo kombela Xikwembu nakona u vona loko Xi ngari tolo, namutlha, ni hilaha ku nga heriki. Mi vona loko hi leswaku a Xi nge vulavuli...?...Xa mi tiva. Xi tiva ni leswi swi nga hoxeka eka n'wina. Nchumu wun'we lowu mi nga wa endlaka...?...ntsena pfumela eka Xona. Kutani Xi ta ku tirhisa eka xichayi xin'wana, na mina eka xin'wana. Yesu u teri, Mukwetsimi Yohana 14:7, “Loyi a pfumelaka eka Mina, mintirho leyi Ndzi yi endlaka u ta yi endla na yena.” Sweswi, xexo i xibye lexi xi yimisiweke.

²⁰ Sweswi, mundzuku, hi ya eku dyondziseni hi laha u nga vaka ha kona xibye xexo, Xikwembu xexo Moya wo Kwetsima...?...wu tirha ha n'wina. Kutani swingaleswi, wa vona, Xona...?...Xikwembu, a xi ri eka Langavi ra Ndzilo; kutani xi tshamile eka N'wana wa Xona, Krete Yesu; sweswi xile ka Kereke ya Xona. Xi tshame Xi vitaniwa “Tatana,” kutani “N'wana,” sweswi “Moya wo Kwetsima.” I Xikwembu,...?...-kombisaka hi Xoxe eka misava. Ndelela yi ri yin'we ntsena leyi Xi nga nghanaka e Kerekeni, i kusungula xona hi Xoxe xi fela Kereke, ku Yi kwetsimisa, leswaku Xi nga ha tikombisa xona hi Xoxe eka Kereke ya Xona. Kutani Xi teri, eka Mukwetsimi Yohana 15, “Hi Mina Vhinyo, n'wina mi marhavi.” Wa vona? Nakona marhavi ntsena matswala...?...muhandzu. Hosi a yi mikatekisi.

²¹ Sweswi, hi nga se...?...eka dyondzo ya madyambu ya namutlha. Nakona a ndzi lavi ku mi hlwerisa, hikuva ndzi vona vanhu lava nga yima. Kutani un'wana u teka ndhawu ya yena, kutani un'wana u tshamile ehansi, ni kuya emahlweni.

Hile ku ringeteni, hi matimba, ku kuma mpfu—mpfu mpfumelelo wa ku tshamisa kwalomu ka nharhu kumbe mune wa madzana ya vanhu votala, kambe doroba ri tikomba ri hi khomeletela ku hi tlherisela eka swona, hikokwalaho a hina ndhawu leyi enelaka yo pakela eka yona. Hi kumile mpfumelelo kusuka e Indianapolis. Kutani, doroba, hi fanele hi va ni ndhawu yo pakela eka yona. Oho, loko hi veka vanhu va mune lahawani, hi fanele hi va ni ndhawu leyi eneleke ku veka movha ehandle lahaya. Nakona vuningi byo pakela lahawani hakunene i bya doroba. Wa vona? Vona, a va...Kereke ya hina lahawani yi ntsena...?...goza rin'we kusuka eka layini ya doroba. Kutani hakunene, patu ra le

henhla, mikhumbhulo yi akiwile kwalahaya...Xivangelo, van'wana va n'wina vanhu, vanakulorhi lavantsongo lahawani, mingaka mi nga switwisisi leswi. Kambe leswi swi tolovelekile tani hi xidan'wana. Nakona ndzi tsundzuka, loko ndza ha ri jaha, a hi gada ehansi kwalahawani. A hi fanele hi jika-jika kwalahaya, . . . ? . . . hi jika-jika hi xidan'wana. Va akile patu ri jika, patu ri jika hi xidan'wana.

²² Kutani ndzi xavile vunyingi lebyi kwalahawani. Ndzi khongela, ni lahawani laha leswi swi nga kona, Hosi yi ndzi byerile ku swi xava, kwalomu ka makume nharhu wa malembe lawa ya hundzeke, kumbe makume nharhu-mbirhi wa malembe lawa ya hundzeke, swi tano, ndza ehleketa. Kona kwalahawani, ni nhlngasi lowukulu wa kahle, ni swakudya swa hanci ehenhla ka nhloko ya mina. Kutani ndzi xavile to tala hi dzana ni makume ntsevu wa tidolora, yinhla leyi. . . ? . . . lahawani, kutani ku akiwa kereke.

²³ Sweswi, Hosi a yi mikatekisi. Ndzi lava ku, loko swi nga vitaniwa tsalwa, eka swin'wana swa, ku hlaya wun'wana wa mongo kumbe tinotsi. Ndzi tsakela ku vulavula ni vayingiseri, madyambu lawa, ehenhleri ka nhloko-mhaka leyi yi nge: *Nkucetelo Wa Un'wana*.

Kutani hi nga se vulavula, kumbe ku hlaya Rito, a hi korhamiseni tinhloko ta hina hi vulavula . . . ? . . . ni Mutsari wa Rito.

²⁴ Sweswi, ni tinhloko ta hina leti korhameke, ni timbilu ta hina . . . ? . . . ngopfu, hi xichavo lexi Kwetsimaka xa Xona, ndza hlamala loko kuri ni un'wana . . . ? . . . madyambu lawa, va ri ni xikombelo xa leswaku va . . . kule ku pfurheni etimbilwini ta vona, leswaku ntsena va nga ha yimisa mavoko ya n'wina emahlweni ka Xikwembu? Mi ku eka xikhongelo xa n'wina, "Hosi Yesu, ndzi na swilaveko. Vulavula na mina, emadyambyini lawa. Ndzi hanyisi. Ndzi nyiki swilaveko swa timali." Kumbe, ku nga hava yini, Xi hi nyika hinkwaswo swilaveko swa hina. Xikwembu a xi mikatekisi. Kwalomu ka makume-nkaye wa tiphesente ta nhlengletano.

²⁵ Tatana wa hina langa Matilweni, hi tshunelela Wena. Sweswi, tani hi laha hi siyaka xitabernekelani lexi xa vumba lexi hi tshamaka eka xona, xibyatswana lexi xexi xi tlulaka vutomi lebyi xiximekaka lebyikulu, hi ripfumelo hi huma ehenhla ka Mars, Jupita, Venas, n'weti, tinyeleti, Milk . . . ? . . . Way. Kutani ha fika sweswi, hi ripfumelo, eka Xilavelo xa Tatana. Hi vona, a tshamile lahaya, mavoko ya Yena lawa ya tlhaviweke ni minkondzo ya Yena! . . . ? . . . Ngati ya leyo sweswi yi endla xikhongelo, tani hilaha hi vekaka tinyiko ta hina ehenhleri ka altari ya nsuku, ku rhendzeleka hi Xilavelo xa Xona.

²⁶ Ha Ku khensa, xosungula, ha Yesu, Loyi a endleke swilo leswi hinkwaswo leswaku swi humelela, eka hina, hi ripfumelo ra hina, leri hi yaka eku ri kombeleni. U mavonaka mavoko!...?....u switwile leswi a swi ri eku beni endzeni ka timbilu ta vanhu. Ndzi veka ripfumelo ra mina, Hosi, e Gandzelweni, eka altari leyikulu ya nsuku ya Xikwembu, laha xitlhavelo xi hisiwaka kona masiku hinkwawo. Ndza khongela leswaku U ta yingisa niku hlamula swikhongelo swavona, Tatana. Va nyike ku tsakela ka vona...?....

²⁷ Sweswi, tani hilaha hi hlengeletaneke, Hosi, emadyambyini lawa, eka ku nhlengeletana loku ka nharhu, hi lahawani eka muako lowo hisa, madyambu lawa, kambe ku ri hava xikongomelo xin'wana handle ka kuva hi tshunelela...?....Wena. Hi ku tiva leswi hi nga ta swi endla...?....Hosi, leswi hi nga ta swi endla. Tani hilaha muprofeta a nge teri, "Kambe lava va...?....eka Hosi, va engeta va kuma matimba lamatshwa. Va ta haha tani hi gama. Va ta tsutsuma, va nga karhali. Va ta famba, va nga tsani." Hosi, hi dyondzisi ku rindzela, endzhaku kaloko hi tava hi komberile; ni kuva hi va ni ripfumelo, ra ku tiva leswaku U switwile. Nakona eka nkarhi lowu wu nga wa kahle wa Wena, U ta hi rhumela nhlamulo ehansi eswitepisini swa nsuku, kusuka eka tiphaseji letikulu ta Tilo, ku ta emoyeni wa hina. Nakona hi ta amukela leswi hi swi...?....kombelaka, hikuva ha swi pfumela.

²⁸ Basisa tindleve ta hina, emadyambyini lawa, ku ta yingisela, ni timbilu ta hina ku ta amukela. Nakona kutani, loko xikhongelo...?....xi humile, hi nga ha vula tani hilava a va huma eEmausi, "Xana timbilu ta hina a ti pfurhanga endzeni ka hina loko A vulavula na hina e ndleleni?" Ha...?....swi kombela hi Vito ra Yena. Amen.

²⁹ Ndzi tsakela ku hlaya, emadyambyini lawa, xiphemu xa Tsalwa lexi xi kumekaka eka Buku ya Esaya. Mundzuku, vanani ni ntiyiso, wa leswaku miva ni phepha, ndzi milava mi...ndzi tava ni chati ehenhla lahawani, kumbe bodo yo tsalela, hi muxaka wa ku swi pfapfarhuta...?....dyondzo. Nakona ndzi milava mi yikuma, loko mi nga swikota, hikuva mi nga ha yi hlaya loko mi fika ekaya.

³⁰ Esaya, ndzimana ya vu6. Ndzi tsakela ku hlaya tivhese tintsongo leti humaka eka ndzimana leyi, ku humesa mongo wa madyambu lawa.

Lembe ra ku fa ka hosi Ozias ndzi vonile Hosi yi tshamile xiluwelweni lexikulu, lexi tlakukeke, kutani mahlangula ya xifunengelo xa yena a ma tata tempele.

Kutani tiserafi-...?....yin'wana ni yin'wana a yi ri ni timpapa ta ntlhanu na yin'we: ha timbirhi ti funengeta...?....ha timbirhi ti funengeta milenge, ha timbirhi tin'wanyana a haha ha tona.

A tihuwelela, ti ku, Wa kwetsima, wa kwetsima, wa kwetsima, Hosi Xikwembu wa tinyimpi: misava hinkwayo yi tele hi ku kwetsima ka yena.

Masungulo ya tinyangwa...?...matsekatseka hi rito ra la huwelelaka, yindlu yi...?...tala musi.

Kutani ndzi ku, Yo mina! ndzi lovile; hikuva ndzi munhu wa milomu ya thyaka, ndzi akile xikarhi ka tiko ra milomu ya thyaka: kutani mahlo ya mina ma vonile Hosi, Hosi ya tinyimpi.

Kambe yin'wana ya tiserafim yi hahela ka mina, yi khomile kala lero vuvumela, leri yi ri okeke gandzelweni hi ritlawa:

Kutani yi khumbha nomu wa mina hi rona, yi ku, Vona, kala leri ri khumbhile milomu ya wena; hikokwalaho ku hamboloka ka wena ku susiwile, xidyoho xa wena xi rihiwile.

Kutani ndzi twa rito ra Hosi, ri ku: Ndzi ta rhuma mani, i mani la nga ta famba e matshan'wini ya hina? Kutani ndzi ku, Hi mina loyi; ndzi rhume.

³¹ Leswi hakunene i ku—i ku tiboha, loko hi ehleketa hi...leswi xi nga ta vula swona, tani hiloko hi dyondza hi xivono lexi xa Esaya. I...Minkarhi hinkwayo ndzi tsakela Esaya. Hi un'wana wa vaprofeza lavakulu. Esaya u tsarile Bibe leyi heleleke. Ku ni Tibuku ta makume ntsevu-ntsevu e Bibeleni, na Esaya u tsarile makume ntsevu-ntsevu wa mapapila. U sungurile hi kusungula ka ntsumbuluko; exikarhi ka Buku, u tsarile Testamente Leyintshwa na Yohana Mukhuvuri; nakona eka ya vu56 ni ya vu60 ndzimana, u hetelerile hi Miliniyamu leyikulu: Genesa, kuya eka Testamente Leyintshwa, ku ya eka Nhlavutelo. Wanuna lonkulu, akuri Esaya loyi; ekuheteleleni u file hi ku xaniseka, ehansi ka ku xupuriwa hi kutika.

³² Munhu un'wana ni un'wana loyi a tatiweke hi Moya wale Bibeleni wa fa kumbe a xanisiwa ehansi ka nawu wa mfumo; un'wana ni un'wana wa vona lava u nga va ehleketa: Muxe; vana va va-Heveru; na Daniel, na Esaya. Esaya u sahiwile a va swiphemuphemu hi saha. Nakona ku ya ehansi, Yohana Mukhuvuri, un'wana ni un'wana wa vaapostola, Yesu yena hi Yexe, hinkwavo va file ehansi ka ku xupuriwa ko tika, kumbe ku xupuriwa hi nawu wa mfumo. Nakona kuya hi leswi swilo swi humelerisaka xiswona, ku tava ni vumbhoni byo tala lebyi byi nga ta engeteleriwa eka vona eka rin'we, ra masiku lawa. A haa. Loko ku tshame kuva ni nkarhi lowu hi nga tshamaka kun'we, hi wona lowu.

³³ Ndza ehleketa mi ngava mi twile hi ta nhlengeletano leyi yi yaka emahlweni eRhoma. Nakona hi...na...Va na

minkarhi ya kahle kwalahaya, nakona va ya ekusunguleni ka mpfuxelelo. Kutava mpfuxelelo wa misava hinkwayo, hakunene. Ku tlhelela endzhaku eka dyondzo. . . Ha swi kuma sweswo eka Swilemo swa Nkombo. Eka dyondzo leyi ya kuva kuvile ni “nkucetelo.”

³⁴ Hosi Ozias a ri ri jaha ra murisi wa tinyimpfu. U kurisiwile, nakona a rhandza va akelani. Nakona u fumile hi nkarhi wa vuprofeta bya Esaya. Esaya u dyondzile eka—eka byin’wana bya vuprofeta lebyikulu. Kutani ndza pfumela leswaku a ri Zakaria, laha Esaya a nga kuma ku twisisa ha yena, loyi a ri muprofeta tani hi Esaya anga ta eka xivono. Nakona Esaya u vitaniwile, kutani a ri muprofeta. Vaprofeta ntsena a hi lava va endliwaka hi vanhu; vaprofeta va tswariwa vari vaprofeta.

³⁵ Sweswi, ku ni nyiko ya ku profeta leyi taka eka kereke, leyi vanhu va profetaka ha yona. Swirho swotala swa Mirhi wa Krete swi nga ha endla sweswo, sweswo swile hansi ka nhlohlotelo.

Kambe muprofeta u rhumeriwa eKerekeni hi Xikwembu, a hlawuriweke eka nyiko ya vuprofeta, kumbe nyiko ya kuva muprofeta, ku nga ri xiporofiti.

³⁶ Sweswi, sweswi hi kuma leswaku wanuna loyi lontsongo u tekile xiluvulo. Loko mi lava ku tsala Matsalwa man’wana ehansi, eka Tikronika ta Vumbirhi, ndzimana ya vu26, mi nga ha hlaya laha yi nge loko Hosi Ozias, endzhaku kaloko tata wa yena a file. A-m-a-t-s-i-a, Amatsia, endzhaku kaloko a file, kuva ari munhu la lulameke, a hundzukele Hosi nakona u dlayiwile hi vanhu lava va nga va yena, Ozias u tekile, kumbe Ozias, kumbexani, a teka ndhawu ya yena tani hi hosi. Nakona u vekiwile e xiluvulweni nakona a va ni ntoto, eka xiyimo xa khume ntsevu wa malembe hi vukhale, ntsena tani hi jaha. Kambe ari eka ntila wa kuva hosi, ntsena kuva xifanyetana. Nakona u tirhile kahle. Biblele yi hi byela sweswo leswaku ari ni tatana loyi a khongela ni manana loyi a khongela. Nakona a nga tava nchumu wun’wana, hiku tika, ni nkucetelo walowo, tani hikuva a ri jaha leri ri khongelaka, hikuva sweswo akuri leswi swi vekiweke emahlweni ka yena nkarhi hinkwawo.

³⁷ Maswivona leswi ndzi swi ehleketaka? Un’wana ni un’wana a ri na mavonele ya yena. Kambe byin’wana bya vukulu, nakona kuya hi mavonele ya mina, presidente lonkulo loyi hi nga tshama hi va na yena eka tiko leri, akuri Abraham Lincoln. Sweswi, ku ngari hi leswaku a ri wa Rhipabliki, kambe ari hi leswi ari xiswona, munhu la khongelaka. Nakona u pfuxiwile, nakona yena. . . a tirhela Xikwembu. Hiloko a ku, “Loko kuri ni swin’wana leswi ndzi swilavaka ku dzunisa eka swona,” a ku, “kumbe vutomi bya mina byi kuceteriwile hi swona, i mhani loyi a khongelaka loyi a ndzi dyondziseke ku khongela niku tiva Yesu tani hi Muponisi wa mina.”

38 Oho! Ndyangu wa wena wu hi leswi u nga xiswona. U kurisa n'wana wa wena eka mahanyelo man'wana; swi na makume nkaye-nkaye-nhungu wa tiphesente to antswa ta xinkadyana to famba kahle kutlula loko u swi tisa hi ndlela leyi nga hoxeka. "Kurisa n'wana hi ndlela leyi swi nga ta famba, niloko a kurile, a ngaka a nga hambani na swona." Kulani kahle. Dyondzisa vana va wena ku endla swa kahle, hi ku tshembheka, ku ringanela niku tshembheka, hambani loko vari exikolweni.

39 Sweswi, minkarhi yo tala, vana vakumeka vari eka xiyimo xo kopela va encenyeta un'wana, niku—niku ringeta ku swikombisa loko va ri endleleni yo ya exikolweni. Kambe, maswitiva, ndza ehleketa, loko ntsena mi nga swikuma, hi n'wexe, hi swin'wana leswi mi—mi nga ha swi amukelaka, phepha ra n'wina ra kahle ro hlawuleka.

40 Maswivona, loko mi ya tsala xikambelwana hi siku leri landzelaka, ematshan'wini ya ku rhendzeleka hinkwako vusiku hinkwabyo, mi pfuka hi mixo lowu landzelaka, mi ehleketa, "Kunene, ndzi ta tshama ekusuhi na *So-na-so*. Va tlharihile, nakona va...ndzi nga ha kopela eka vona," loko ntsena u ri...Papa a nga se khensa etafuleni ra swakudya swa ni mixo, loko ntsena u nga vula leswaku, "Papa, ndzi tsundzuki, namutlha, ndzi fanele ndzi tsala xikambelwana xa khemistri," kumbe leswi swi nga vaka xiswona.

Kutani wena, loko u khongela, papa, iku, "Xikwembu, katekisa John, Mary, eka xikambelwana xa vona namutlha." Ndza mi byela, swi ta hundzuluxa hloto wa lwandle.

41 Tsundzukani, hi nga hava ni leswi hi swilavaka, loko ntsena hi nga swikombela hi ripfumelo, hi pfumela. Yesu u teri, "Hinkwaswo swa endleka eka lava va pfumelaka." "A mi na nchumu, hikuva a mi kombeli nchumu." Kutani a mi kombeli nchumu, hikuva a mi pfumeli. A ku, "Kombelani hi xitalo, leswaku ku tsaka ka n'wina ku hetiseka." Ndzi rhandza sweswo.

42 Kudyondzisa ka hina ka kahle: u vula swa kahle, u endla swa kahle, u ehleketa hi swa kahle. Minkarhi hinkwayo u ehleketa kahle. Ndzi na xilogene lexintsongo, "Endla swa kahle, yaleyo i nfanele ya wena eka Xikwembu. E hleketa kahle, yaleyo i nfanelo ya wena eka wena. Nakona u bohiwile ku huma u ri kahle."

43 A wu nge swikoti kuya evuxeni nile vupela-dyambu hi nkarhi wuri wun'we, kumbe a wu nge swikoti ku endla swakahle ni leswo biha hi nkarhi wun'we. A swi na mhaka ni leswaku u ehleketa ku fika kwihi loko u famba hi ndlela leyi, loko u nga kongomanga evupela-dyambu, a wuyi evuxeni loko u ya evupela-dyambu.

⁴⁴ Swingaleswi hosi leyintsongo leyi, yi kuceteriwile hi tata wa yona loko a hari xinunani, niku dyondzisa Israel swiletelo swa Xikwembu. Kutani, xikan'we-kan'we, u jikile emasikwini ya yena yo hetelela a dyondzisa leswi lwisanaka na Xikwembu. Nakona vanhu lava va nga va yena. . . U dlayiwile hi vanhu lava va nga va yena. Swi tikomba kuri dyondzo leyikulu eka Ozias, ha swona. Kambe hi kuma leswaku, leswaku, loko Ozias a tava a tekile xiluvelo, laha a sunguleke hi ndlela leyi papa wa yena a sunguleke ha yona, a vuyisela swilo swa Xikwembu, a vuyisela Israel endzhaku ku ya gandzela Xikwembu. A ti tiyisa yena hi yexe.

⁴⁵ Kutani minkarhi hinkwayo ndza n'wi khensa emasikwini ya vutsongwana bya yena, hikuva a nga kalanga a tlanga tipolotiki. Hambi leswi tipolotiki ti nga hava ti lwisanile na yena, kambe, hambu swi ri tano, u tshame a lulamile eka ntila wa Xikwembu. Nakona swi rhurhumerisa lontsongo loyi, muprofeta lontsongo, swingaleswi, kufikela laha a vaka nhenha. A ri xikombiso eka muprofeta Esaya.

⁴⁶ Kutani Esaya u yile ekhokholweni a ya tshama na yena, exigotlweni xa hosi. Un'wi vitanile leswaku a nghena. A tsakela Esaya. Esaya a ri lontsongo, na yena. Kutani—kutani u . . . A va tshama, swin'we. Ni leswi hosi ya leyo, loko yi nga huma yi ya ehandle lahaya. . .

Nakona vona, vanhu van'wana va tipolotiki, va nga ha nghena va fika vaku, “Hi fanele hi endla *so-na-so*.”

Hosi Ozias xosungula a ehleketa hi Hosi. “Hosi, i ku rhandza ka Wena leswaku hi swi endlisa leswi-na-leswi?”

Xikwembu, hi nyiki presidente yo kotisa ya leyo. Ku ngari sweswo ntsena, kambe hi nyiki na swichumayeri. “Lava Mfumo wa Xikwembu kusungula niku lulama ka Xona, leswi n'wana hinkwaswo swi ta landzela.”

⁴⁷ Lowu wu nga hava kuri nkucetelo lowukulu, hikuva Esaya a n'wi rhandza. Hikuva, u swivonile leswaku a ri munhu wa kahle, nakona a—a yima a nga ninginiki a tiya eka Xikwembu. Kutani maswitiva, nkarhi wun'wana, emasikwini lawa hi hanyaka eka wona, eka swilo leswi hi swi endlaka, tsundzukani, vanhu a valangutisi mufundhisi ntsena, hi ndlela leyi a hanyisaka xiswona. U . . . Va langutisa ni ku titsongahata.

⁴⁸ Oho, swi bihe njhani loko hi ehleketa hi kereke! Nkarhi wun'wana, loko mufundhisi a ri wa nhlngano wun'wana kumbe xivongo, nakona nhlngano lowu wu n'wi rhumela eka kereke yin'wana, kutani kumbexani mufundhisi yaloye mavoko ya yena makarhele, hi nhlngano walowo. Kutani nakulorhi lontsongo u lava ku tirhela Hosi. A ehleketa, ku dyondzisiwa hi leswaku i ndlela yin'we leyi a nga swi endlaka, i ku tirhela nhlngano wa yena. Kutani loko a yima a chumayela leswi Rito

ri vulaka swona, kereke yi ta n'wi hlawula yi n'wi hlongola; kutani a chava leswaku a ngaka a nga ha kumi xinkadyana xa ku chumayela Evhangelu.

⁴⁹ Oho, leswi hi swilavaka ephulphitini, namuntlha, i vavanuna vokotisa Ozias leswi ari xiswona. Ti nga khatheleki tipolotiki ta kereke, kumbe tipolotiki ta swin'wana, u tlanga voko ra Xikwembu, eka yona. U rindzerile ku kondza a kuma LESWI HOSI YI SWIVULAKA, hiloko a swi endla.

Lontsongo, muprofeta yaloye lontsongo, nakulorhi lontsongo wa kwalomu ka xiyimo xa yena, e tempeleni na yena, a va khizama ehansi swin'we va khongela, a swikanakanisi, ni ku kombela kurhandza ka Hosi, ni ku swi pimanisa ni milawu ya Bibe. Kutani, loko hinkwaswo swi ri kahle, Ozias u swi hundzile. Loko a swi ngari kahle, u sorile tipolotiki eka swona. Xikwembu, hi nyike swotala ku kotisa sweswo. Nakona sweswo swi rhurhumerisile Esaya hikuva u velekiwe a ri muprofeta.

⁵⁰ Kutani Ozias u—u vile nhenha eka Esaya. Maswivona, hikokwalaho ka ku yimela ka—ka yena Xikwembu, u vile nhenha eka mahlo ya lavo lulama. Kutani swi nga ha endleka lavo lulama va nga talanga. Wa vona? Kambe nchumu lowu hi lavaka ku wu endla, i kuva hi endla vutomi bya hina byi hlaiwa eka Xikwembu. Un'wana i ku langutile.

⁵¹ A ndzi sele un'wana hile ndzhaku siku rin'wana. Eka vaakelani van'wana, a vari . . . ni—ni kereke leyikulu ya kereke-vito leyi a yi ri na ntlangu lowukulu wa rock-and-roll ehansi kwalahaya, kutani a va ri eku danseni kufikela awara ya n'we ni mixo. Nakona a va ri eku vungunyeni ka van'wana lava ava ta etabernakeleni, vaku hi vona vakwetsimi lava va “vumbulukaka,” lava va taka lahawani, hikuva a hi ri hava kereke-vito. Oho, xana sweswo swi ndzi nyikile xinkadyana! Mi nga ha swivona leswi humeleleke. Kambe, nchumu wa swona hi leswaku, sweswi, vanhu lava, a kuna ku kanakana ka leswaku ntombhi leyintsongo yi vile ni marito, loko ingi a tivile Ntiyiso wa leswaku a kuri yini!

⁵² A ndzi ri entshaveni, eka mavhiki mantsongo, lawa ya hundzeke. Loko ndzi ri endleleni yo vuya ekaya . . . Hi tlhelerile endzhaku, mina ni ndyangu, ku ya wisa nyana, laha hi yaka kona nakambe, loko Hosi yi swi rhandza, vhiki leri ri taka. Nakona kutani, ku tlhelela endzhaku kwalahaya vusiku byin'wana, ndzi vonile xivono. Nakona akuri la—la rhandzekaka, wansati wo xonga, a languteka a ri lontsongo, wansati loyi a ri eku tsutsumeni. A ri ni voko ra yena ekusuhi, nakona a lova hi ku karhatiwa hi mbilu. Wansati wo saseka, kutani u wile a va a fambile. Hiloko Ntsumi ya Hosi yi ku, “Sweswi, loko u twa hi ta leswi, tsundzuka. Va ta vula leswaku u tisungile. Kambe u file hi ku khomiwa hi

vuvabyi bya mbilu. A kuri kwalomo ka mune, swingaleswi ntsena wo vula leswaku mune ehenhla ka nhloko.” Hiloko Yi ndzi siya.

⁵³ Nakona a ndzi kalanga ndzi pfuxa ndyangu, enkampeni leyintsongo ya tihomu, kumbe laha macowboys matshamaka kona, laha hi nga ta tlhelela kona kwalahaya ku ya khayima tihomu. Ndzi—ndzi lo va tshikisa xisweswo va etlela kufikela ni mixo. Kutani hi siku leri landzelaka, ndzi swivula. Hiloko ndzi ku, “Wansati un’wana lontsongo, loyi akokaka mahlo swinene, u ya eku feni hi ku khomiwa hi vuvabyi bya mbilu.” Kutani ehandle epatwini, endzhaku ka masiku mambirhi, laha swi nga ta swi huma eka xiya-nimoya. Leswaku Manana . . . a ndza ha ri tsundzuki vito ra yena. [Un’wana a ku, “Monroe.”—Muhleri.] Monroe, Manana Monroe. A ndzi ehleketa leswaku lero i vito ra yena ra vuhlangi, kumbe swin’wana leswi swi nga havaka xiswona. Vito ra yena a kuri rin’wana. Nakona u file, nakona vateri u tisungile.

⁵⁴ Sweswi, a swikali swi endla ku hambana ni leswaku ndzi swivurisa ku yini, hambiswiritano vahaya emahlweni va vula leswaku u tisungile. Kambe n’wana a nga swi endlanga. U dlayile hi ku khomiwa hi vuvabyi bya mbilu. Nakona loko mi nga ha languta, a ri ni voko ra yena, a ringeta ku khoma foyini, foyini evokweni ra yena. A khomiwile hi vuvabyi bya mbilu. Vari tiphilisi to etlerisa a tiri kona kwalahaya. A titeka ku ringana nhweti, wa vona, kumbe ku tlula, tihuma ebodlheleni lero. U file hi ku khomiwa hi vuvabyi bya mbilu. Nakona u file hi kwalomu ka mune kumbe ntlhanu wa tisekondo ku nga se ba awara ya mune, hakunene.

⁵⁵ Nakona ndzi hlayile hi matimu ya vutomi bya yena, eka magazini, ya hilaha yena . . . A ri n’wana loyi a nga fambi hi nawu. Ni leswi a hlantswiseke xiswona tindhichi to tala. Nakona mana wa yena a ri endhawini ya va rihuhe. Kutani u lavile . . . A ri wansati wa mirhi wa kahle lowu hetisekeke, ndza vhumbha, emisaveni. Kambe u naverile swin’wana leswi mali yi nga taka yi nga swi xavi. Ndza ehleketa, “Oho, ndzi navela leswaku i ngi ndzi nga haya eka yena. Ndzi tiva leswi a swilava.” Kwalaho mi nga kona.

⁵⁶ Kumbexani swirho swa tikereke to duma, ta kahle, Hollywood wo duma, laha hinkwako ku khavisa ni xibantani xo hatima lexi nga kona. Kambe va vonile vanhu lava. A nga ha swivona leswaku a va hanyi vutomi lebyi hambaneke tani hilaha a swi endleke. Swi teka nkucetelo. Swi teka matimba ya ku pfuka ka Kreste exikarini ka vanhu, leswaku va vona leswaku Kreste a hi xifaniso lexi nembelelaka eka muako, kambe I Nchumu lowu hanyaka hi xivumbeko xa Moya wo Kwetsima, wu hanyaka eka vavanuna ni vavasati, wu tisa kurhula, ni ku tsakisa, ni ntsako. Oho, loko ntsena hi ngava hi kumekile eka ntombhi leyintsongo a nga se hambana ni misava!

⁵⁷ Sweswi, nkucetelo. Hikuma leswaku—leswaku vutomi byebyo bya Ozias byi kuceterile muprofeta loyi, kufikela eka ndhawu leyi Ozias—Ozias, kumbexani, a anga ti akala makhumbhi ni kuva a ti tiyisa yena hi yexe, niku tlherisela misava ni rifuwo leri ri nga ra vona, kusuka eka va-Filista, ni kuya emahlweni, kufikela laha ndhuma ya yena yi fambaka kuya fika eEgypta. Nakona ndza mi byela, ni Tikronika hinkwato ta Tihosi, a kuri hava ni un'we wa vona, ehandle ka Solomon, loyi a haxa kuya emahlweni tani hi Ozias. Hikokwalaho ka yini? Hikuva a ri xikombiso. A tshama ni Xikwembu, a swi nga ri na mhaka leswaku vanhu va yena va ehleketa yini, un'wana u ehleketa yini, vatipolotiki vahi lava va ringetaka ku n'wi kucetela. A tshama a lulamile na Xikwembu, nakona i Xikwembu xi n'wi katekisile. A kuri ku pfuniwa lokukulu eka muprofeta loyi lontsongo.

⁵⁸ Leswi Xikwembu xikatekisaka xiswona munhu loyi a nga na ntiyiso eka Rito ra Xikwembu! Sweswi, swi nga ha endleka a nga dumanga ngopfu, kambe u ta katekisiwa. Nakona sweswi vanhu va fanele ku hlawula leswi va swilavaka, hambi u lava ku endlala leswi swi endlwaka hi vanakulobye van'wana, kumbe u lava ku katekisiwa hi Xikwembu. Sweswi u nga ha hlawula wena. Loko kuri u ta hanya tani hilaha vahanyisaka xiswona hinkwavo, u ta katekisiwa hi vona. Kambe u jikisela ku. . .navela ka wena hinkwako eka Xikwembu, nakona u ta katekisiwa hi Xikwembu. Swingaleswi u fanerile, "Hlawula namutlha loyi milavaka ku n'wi tirhela," tani hilaha muprofeta a vuleke. "Minkarhi hinkwayo tsundzukani Mutumbuluxi wa n'wina, xosungula, minkarhi hinkwayo."

⁵⁹ Sweswi, kambe, loko hosi leyi yi tava yi kumekile endhawini, a ri wanuna ya loye wa kahle, ni ku kucetela Esaya ni ku lulama, hahunene, eka mfumo wa yena, u kumekile endhawini leyi atitwa a ti sirhelerile.

Kutani kwalahaya hilaha u endlaka xihoxo xa wena. Hilaha vuningi bya vanhu lava va lulameke va lumaka ritshuri ra vusiwana, va luma ritshuri ra ku hluriwa, swihikokwalaho ka kuva va sungula ku titwa va tisirhelerile. U sungula ku ehleketa leswaku u hanyile nkarhi wo leha eka Krete, leswaku, a swi na mhaka ni leswaku U nyika yini emahlweni ka n'wina, u ta hlawula loko u Swi lava kumbe u nga swilavi. Mi fanele kuya emahlweni mi tirhela Xikwembu. A swi na mhaka ni leswi a wu ri xiswona, endzhaku ka khume ra malembe lawa ya hundzeke, hi leswi u nga xiswona sweswi.

⁶⁰ Hosi yi kumekile endhawini laha a yi ti ehleketela yona hi yoxe, leswaku, yi tlakuseriwele ehenhla. Ku tinyungubyisa ku nghena embilwini ya yona.

Kutani sweswo hi leswi swi hi humelelaka. Loko mi nga rivalela nhlamuselo leyi, sweswo hi swona leswi humelelaka

eka tikereke ta hina eka tiko hinkwaro. Kuni vanhu va kahle kwalahaya. Van'wana lava nga kahle emisaveni va ya ekerekeni. Ndza ehleketa leswaku vo antswa emisaveni va ya ekerekeni. Kambe nchumu wa swona i, ma—ma mafambiselo ya nhlngano makumekaka ma tlakuseriwile ehenhla. Sweswo hi leswi swi humeleshaka eka—eka Methodist. Sweswo hi leswi swi humeleshaka eka Baptist. Sweswo hi leswi swi humeleshaka eka Nazarene, eka Pilgrim Holiness, eka Pentekostal; va ti yisa ehenhla, ku ti rhandza, ku ti veka exikarhi, manyunyu, leswaku u ngaka u nga vuli nchumu eka vona. Xikwembu xi ngaka xi nga kumi ndlela yo nghena etimbilwini ta vona. Swi hikokwalaho ka kutiva hinkwaswo kuri hava munhu loyi a nga va byelaka nchumu. Ni ku ti akela vona hi voxo kuanakanya loku ku nga ka vona, ni vamakwerhu, va ti akela vona hi voxo eka mintolovelo ya vona. Nakona loko va endla tano, va siya Xikwembu endzhaku.

⁶¹ Sweswo hi swona leswi swi humeleshaka eka vadokodela. Loko va kumeka va tivekile exikarhi vona hi voxo a va kali va lava ku pfuniwa hi Xikwembu, sweswo hiswona ni nga laveki—laveki na un'we ku ndzi mphutisa. Hi swona. Ina. Loko mi siya Xikwembu ehandle ka swin'wana, n'wina, ndzi mi lava mi ndzi tshika ehandle, na mina. Wa vona? Hikuva, nkarhi hi nkwawo mifanele mi tsundzuka Xikwembu kusungula.

Xi ta mi tlakusa.

⁶² Swingaleswi votala, namutlha, mi teka ndyangu wa—wa vanhu lowu wu nga ta sungula ku ya ekerekeni, nakona Xikwembu xi horisa xidyangwani. Xi tava katekisa xi tlhela xi va nyika Moya wo Kwetsima eka vutomi bya vona. Vana lavantsongo va ta khongela, ku rhendzeleka hi tafula. Va ta khongela va nga se ya eku etleleni. Mhani na tatana va ta khomana hi mavoko va khongela. Nakona tani hiloko va ya emahlweni tani hi sweswo, va ta tshama va ri ndyangu. Kambe u va pfumelela va kuma . . . Xosungula lexi mi xitivaka, a va kalanga va va ni nchumu; movha wa xikhale wa junk, kumbexani, ku jika-jika hi wona, kumbexani ku famba.

Ekuheteleleni va ta kuma movha wa kahle, muti wo antswa. Nakona nchumu wo sungula mi wu tivaka, swingaleswi va lava ku nghena eka leswi vona, misava, yi swi vitanaka, “vanhu vo antswa,” ku ti hlanganisa na vona. Va famba va tshunelela va akelani vo hambana, nakona kona kwalahaya, va kume leswaku va kuceteriwile hi mukuceteri langa lulamangiki.

Minkarhi hinkwayo mifanele mi tshama laha ku nga na Mfumo wa Xikwembu, ni laha ku cheriwaka ku kwetsima ka Xikwembu. Tshama laha mi nga ta phameriwa hi ximoya, vusiku ni nhlikanhi. Swingaleswi nchumu wo sungula mi wu tivaka, ku avana ku ta endyangwini, nile misaveni, nakona va kumeka va ti yisa ehenhla.

⁶³ Ozias u swi endlile sweswo. U tiyisile ehenhla; a va ni vutinyungubyisi byo tala. Nakona sweswi hi vona leswi a ringetaka ku swi endla. Sweswi, i yini hakunene leswi swi nga n'wi kuma, loko a tava a titlakuserile ehenhla, embilwini ya yena, hi byeriwile e Bibeleni. Eka Tikronika ta vu26, ha swikuma, Tikronika ta Vumbirhi 26. Hikuma leswaku u yile e tempeleni ya Hosi, ni xitlhavelo e vokweni ra yena, ku ta hisela Hosi magandzelo. Kutani loko a tava a swi endlile, ministara wa tempele, ni minkutlunyo ya mune ya vaministara lava n'wana, va n'wi landzelela, va fika va n'wi byela leswaku, "U nga swi endli sweswo. U hoxile. A wu movuri wa rito. U hosi, ku ngari movuri wa rito."

⁶⁴ Kutani u khunguvanyekile, hiloko a haha, kutani xifafa xa yena xi hambanile na yena. Kutani u tshikile xitlhavelo, xi famba hi ndlela yin'wana, kutani Xikwembu xi n'wi tota hi nhlokonho kwalahaya loko a ha yimile lahaya hi kuvilela. Hiloko a fa, a dlaya hi nhlokonho. A va fanele va n'wi humesa e tempeleni.

⁶⁵ Kwalaho hilaha hi lavaka dyondzo sweswi. Loko wanuna loyi, loyi Xikwembu xi n'wi katekiseke hi vunyingi, kambe a nga enelanga ha swona. U lavile ku teka ndhawu ya un'wana. U ngaka u ngavi nchumu . . .

Tani hi Congressman Upshaw, ma n'wi tsundzuka, un'wana loyi ari—ari xilema kuringana malembe ya makume ntsevu-nhungu nakona u horisiwile exikhongelweni kona kwalahaya, maswitiva. Ari wa Congressman e United States. U teri, "U ngaka u ngavi nchumu eka leswi u ngariki swona." Swingaleswi walowo i ntiyiso. U fanele u tshama eku vitaniweni ka wena, laha Xikwembu xi ku vitaneleke kona.

⁶⁶ Sweswi, tani hiloko a tshama a ri hosi, nakona a katekisa vanhu, hi vuhosi bya yena. Kambe loko a ehleketa leswaku hi yena movuri wa rito, swingaleswi . . . a ehleketa, hikokwalaho ka Xikwembu xi nga n'wi katekisa, a nga hava swin'wana ni swin'wana leswi a swi lavaka. Kambe a katekisa vanhu, hi vuhosi bya yena; kambe ku ngari ku mikateko, u vile ndzhukano ehenhleri ka vona tani hilaha a ringeteke ku teka ndhawu ya movuri wa rito.

Nakona hi na votala va lava. Un'wana ni un'wana u lava ku tlanga bolo. Wa vona?

⁶⁷ Loko u ri eku tlangeni ka ntlangu wa bolo, tani hiloko kuri nguva ya bolo ya milenge, nchumu lowu hi wu lavaka ku wu endla, a hi un'wana ni un'wana loyi a ringetaka ku teka bolo a ya ekule na yona eka munhu loyi a nga na yona. U ringeta ku rindza munhu ya loye, ku n'wi sirhelela, ma n'wi tshika a ya emahlweni. Hi ringeta ku endla nkutlunya. Wa vona?

⁶⁸ Mi nga ha xi vona xipanu lexi nga leteriwangiki tani hiloko hi kuma munhu un'we, munhu loyi a nga wa vona, ni bolo leyi

yi tsutsumelaka etipaleni, kutani ematshan'wini ya ku ringeta kususa nala eka yena, wa xipanu lexin'wana, kupfumelela munhu loyi a nga wa n'wina loyi a nga na bolo ku yi humesa, un'wana ni un'wana u ringeta kuteka bolo emavokweni ya yena? Hikokwalaho ka yini, miboheka ku dyiwa.

⁶⁹ Nakona namutlha hina swo fana. Loko hi vona Xikwembu xi ta eka xivono ni kuya katekisa nchumu wun'wana, a hi suseni valala va fambela ekule na wona. A hi tirhiseni minkucetelo ya hina tani hi swipikiri leswintsongo, kungari vatsutsumi, swipikiri leswintsongo leswi swi sirhelelaka vatsutsumi, a hi n'wi tshikeni a nghena na bolo; hikuva a kuna kufularhelana, hinkwaswo leswi a faneleke ku swi endla i ku tshama u ri eku tsutsumeni. Nakona hi tava swipikiri leswintsongo.

⁷⁰ Ndzi vulavula ni misava hinkwayo, maswitiva, eka va Full Gospel Business Men, ku rhendzeleka ni misava hinkwayo, tichaptara leti kondleteriweke. Kungari khale ngopfu, loko, ndza pfumela, a ti ri e Kingston, Jamaica, loko va ri na Castro ni hinkwavo ka vona ehenhla lahaya ehlengeletanwini. Kumbe, a hi ri ehansi endhawini ya yena, yaleyo hi yona ndlela leyi a swi ri xiswona, ni ku tlangela ka hinkwavo exihlaleni a kuri kwalahaya. Nakona vavanuna lava va n'wamabindzu a va ringeta ku chumayela Evhangelu. A humile endhawini ya yena. Hina swichumayeri hi na ku tikeriwa loku ringaneleke ku swiveka swi ringanana. Nakona a va tirhisa nkucetelo lowu ntsongo lowu a va wu kuma, ni vuthekiniki nyana lebyi ntsonkonyana hi ndlela *leyi* ni ndlela *yaleyo*, niku swi tshika swi kutlanile, u nga tivi ni leswi u nga swi endlaka.

⁷¹ Minkarhi yo tala, e—e kerekeni, xikerekani xi nga hava na mpfuxelelo lowu wu yaka emahlweni. Un'wana a nga lava ku huma *lahawani* a rhangela nhlengeletano ya xikhongelo, swingaleswi u na mianakanyo leyi hambaneke kusuka eka leyi yi vulaka hi Bibe, kambe u Yi pfumela hi ndlela *leyi*, hi ndlela yin'wana, nakona u ta sungula nkucetelo ni ku humesa van'wana va fambela ekule na Yona.

Nchumu lowu u nga wu endlaka i ku sirhelela Hungu leri, hi ndlela leyi Ri nga ta fambisa xiswona. Mitshama kahle na Rona, ni ku humesa hinkwaswo eka Rona, loko hi tshinelela kuya tsemakanya ntila wo kora. Swikahle.

⁷² Hiloko ndzi ku, “Vamakwerhu, kuna swin'wana swi nga hoxeka. N'wina vanakulobye mi va n'wamabindzu. Ndhawu yo sungula, a mi ma tivi manghenele. A mi ma tivi manghanelo eka ministri, hikuva ministri i nyiko leyi yi vitaniweke hi Xikwembu.”

“Xikwembu xi vekile eKerekeni, vaapostola vo sungula, vaprofeta, vadyondzisi, vaevhangeri, ni vafundhisi.” Xikwembu xi va vekile kwalahaya leswaku Kereke yi va leyi heleleke.

Van'wamabindzu va nga ha nyika vumbhoni. Vavasati, vavasati lava tekiweke, a swi na mhaka ni loko u ri nandza wa xisati endlwini ya un'wana, mbhonyela. Endla hinkwaswo leswi u nga swikotaka eka Mfumo, kambe mi nga sindzisi miehleketo ya n'wina. Ntsena vulani leswi Hungu rivulaka swona, ni ku tshamela kuya emahlweni, wa vona, swingaleswi kumbexani mi nga hava ni nkucetelo wun'wana. Kambe mi nga ringeti ku chumayela sweswi kufikela laha Xikwembu, maswitiva, xi mi vitanaka. Ntsena tshamani kahle na sweswo, vumbhoni bya n'wina. Hikuva, loko mi nga swi endli, mi ta kumeka mi ya eka ntlawa lowu nga hoxeka, swingaleswi mi ta lahlekeriwa hi swin'wana ni swin'wana. Sweswo hi swona. Nakona a swi tsakisi Xikwembu, eka hinkwaswo.

⁷³ Leswi swa khorwisa lahawani. Loko hosi leyi, sweswi, loko a tava a pfukiwile ni ku byeriwa Ntiyiso hi muvuli wa rito wa le muakwini, ni ku ringeta ku n'wi byela leswaku wa hoxisa, leswaku Xikwembu xi vitanile vatukulu va Aroni ntsena, nakona a va hlawuleriwile xikhongelo xexo ntsena. Sweswo hi swona hinkwaswo leswi va nga ta swi endla. A va hlawuleriwile sweswo. Nakona hosi, a swi ngari na mhaka leswaku u lulame ku fika kwihi, kumbe leswi Xikwembu xi nga n'wi katekisisa xiswona, a ngari ni mpfumelelo wo hisa gandzelo. A teka ndhawu ya muprista, nakona a nga fanelanga kuta swi endla. Kutani loko a tava a pfukiwile, u vile ni kuvilela. Xifafa xa yena xi huma xihaha. Loko xifafa xa yena xa ha humile, nhlokonho wu humelela exikandzeni xa yena. U fayeteriwile hi nhlokonho. Hiloko a tshika xitlhavelo, a tsutsuma a huma emuakwini. Wa vona?

Ku ringeta ku encenyeta un'wana, a hi fanelanga ku swi endla sweswo.

⁷⁴ Ekuvileleni ka yena, u endlile xihoxo, nakona u biwile. Oho, nkarhi wun'wana i dyondzo eka muprofeta loyi lontsongo, ku swivona, sweswi, a swi na mhaka ni leswaku wanuna u kahle kufika kwihi, u fanele ku tshama eku vitaniweni ka yena.

⁷⁵ Ndzi swi tekele enhlokweni leswi leswaku swi kandziyisiwile, nakona ndza switiva ri ta famba ni misava hinkwayo, endzhaku e makhwatile, nile ka Mahontototsi, ni swin'wana ni swin'wana. Hungu leri kwalahawani, emadyambyini lawa, ri ta hundzuluxiwa ri ya eka tindzimi, kambe ndzi vula leswi hi mbilu ya mina hinkwayo. Swi nga endlekisa ku yini . . .

Vanhu vo tala va ri, "Hikokwalaho ka yini u nga joyini nhlango wu n'wana xana? Hikokwalaho ka yini u nga ti ni Mapentekosta xana? Hikokwalaho ka yini u nga ti ni ntlawa *lowu*? Hikokwalaho ka yini u nga tshiki swilo leswi leswintsongo swi tifambela mara?"

⁷⁶ Ndzi nga swi endlisa ku yini? Ndzi fanele ndzi tshama ni Hungu lero. Loko, Ntsumi ya Hosi yi humelela ehansi lahaya enambyeni, hi Rivoni lero lahaya tani hilaha mi swivonaka; ni loko Swi kambisisiwile hi mfumo ni hinkwako, na sayense, nkambisiso wa sayense, leswaku Ri Ntiyiso. Nakona Yi ndzi byerile ku tshama ni Rito leri. Xana ndzi nga Ri rhabela njhani eka mikhuva xana? Loko vavanuna lava va huma va swi endla kwalaho, va tshikeni va swi endla vona. Kambe hi vitaneriwele ku chumayela Rito. Mi nga xaveleli. Yima e Ritweni.

⁷⁷ Swingaleswi sweswi ma xivona xivangelo leswaku swi ni khombo ku ringeta ku xavelela mi endla swin'wana, kumbe mi ringeta ku tiyisa ehenhla n'wina hi n'wexe, mi ku, "Oho, ndzi nga ha endla *leswi* ni endla mali yo tala. Ndzi nga ha endla *leswi*, ni hinkwavo vamakwerhu va ta yima na mina. Ndzi nga ha tisegula eka Rito leri, nakona, oho, makume nkaye wa tiphesente wa tiministara ta vona tita jika, 'Sweswo swi lulamile. Sweswo swi kahle.'" Ndza switiva sweswi. Votala va vona va vitana. I yini xana? "Malofu ni tinhlampfi," va vona vanhu loko va horisiwa, ni ku vonisisa, ni matimba ya Xikwembu, ni kuya emahlweni, swi kombisiwa. Va mi kuma kwalahaya, ku kuma tinhlengeletano, niku kuma vanhu kwalahaya... eka tikereke ta vona ni swin'wana. Kambe loko swi ta eka ntwanano ehenhleni ka Rito, va ta Ri tsutsuma. Wa vona?

U ngaka u nga swi endli sweswo. Tshama ni Rito.

⁷⁸ Sweswi, leswi a kuri dyondzo eka muprofeta loyi lontsongo, leswaku, swi nga ri na mhaka ni leswaku u ringeta ku va yini, u fanele a tshama eka kuvitaniwa ka yena. Oho, mina! u dyondze kwalahaya—kwalahaya, xileriso xa Xikwembu eka vavanuna.

Xileriso xa Xikwembu eka vavanuna i ku, "Tshama eka ndhawu ya wena." Xileriso xa Xikwembu eka vavasati i ku, "Tshamani etindhawini ta n'wina," na n'wina. U ngaka u nga teki ndhawu ya wanuna. Va ringeta ku swi endla, kambe mi nga swi endli. Vavanuna, mi nga teki ndhawu ya vavasati. Mi nga ambali ku fana ni vavasati. Na n'wina vavasati, mi nga ambali ku kotisa vavanuna. Biblele yi ri a swi lulamanga ku endla tano. Biblele yi ri, "Wansati la ambalaka swiambalo leswi swi fanaka ni swa wanuna, wa yila emahlweni ka Xikwembu, i manyala." Wa vona? Kambe sweswi hi ku tika u nga ha byela un'wana kusuka eka un'wana. Wa vona? Sweswi u ya eku endleni kambe ntse na swi huweleli u lwisana na swona? Wa vona? Kunene, swingaleswi, loko u swi endla. . .

⁷⁹ Mikale mi xivona xileriso xa khotso vhiki leri lahawani eIndiana? [Nhlengeletano yi ku, "Ina."—Muhleri.] Swi na vusiwana njhani! Ehansi ka malembe ya khume ntlhanu lawa hundzeke, ndyangu lahawani ePort Fulton... ndza ehleketa leswaku yin'wana ya mindyangu yi kona kwalahawani

emadyambyini lawa. Lahawani ePort Fulton, va tlherisile xinhwenyetana ekaya hi ku ambala swo koma exikolweni. Ni ku. . . Vhiki leri, va ringetile ku xi suwa niku huma exikolweni, nakona va swi endlile, xinhwenyetana lexi xi aleke ku ambala swo koma e xikolweni. Ku humelela yini hi tiko xana? A ndzi ehleketa leswaku leri i tiko ra ntshuxeko. A ndzi ehleketa leswaku hi na timfanelo, vukhongeri bya ntshuxeko.

⁸⁰ Tatana loyi u yimile aku, “Swi lwisana ni ripfumelo ra vukhongeri bya hina loko vana va ambala swo koma, swi nhwenyetani swa hina, swa khume ntsevu, khume nkombo wa malembe hi vukhale, ku ambala swo koma. Swi lwisana ni ripfumelo ra vukhongeri bya hina.” Nakona va hangalasiwile, ku hlongoriwa na n’wana exikolweni.

⁸¹ Ndza switwisisa leswaku un’wana loyi a nga taka a nga pfumelelani na swona nakona a ta. . . eka—eka ntwanano wa misava hinkwayo wa xinakulobye lexi va ringetaka ku xivumba, ku xiveka, niku hlengeleta tikereke hinkwato kun’we, nhlengeletano ya tikereke; leswaku, hinkwato leti ti nga taka ti nga ngeni ni ku hlanganyela na tona, va ta n’wi endlela xifundzhanyana xa yena. Va ta varhumela eAlaska. Mi nga hava tani hiloko mi tilulamisela maxelo yo titimela, hikuva ya languteka ya ri ekuteni. Swingaleswi, i tingana muni!

⁸² Munghana wa mina wa vutomi byo leha, Jim Poole, jaha ra yena ri yimile kwalahawani madyambu ya lawa. Ndzi navela loko i ngi tata wa yena a nga endla leswi jaha ra yena ri swi endleke. Nakona a hi ri eku vulavuleni namutlha hi riqingho, nakona ari eku kombiseni hi, ndza pfumela, mukombisi wa mahungu, un’wana. Ntsena a ndza ha tsundzuki leswaku a ri yini sweswi. Kambe, uteri, “Switolovekise xisweswo leswaku—leswaku vanhu va Amerika va hlamba kan’we hi vhiki va tlhela va khongela masiku hinkwawo. Kutani,” a ku, “sweswi wa hlamba masiku hinkwawo ivi va khongela kan’we hi vhiki.” Ndzi pfumela leswaku swa antswa ndzi swi endla ndzi nga hlambanga. Kambe ntsena swi kombisa leswi hi nga wisa xiswona! Ku humelerile yini hi tiko leri xana?

⁸³ Kwalomu ka ntlhanu wa malembe lawa ya hundzuke, a ndzi ri a Ohio, nakona a ndzi khomile xikhongelo kwalahaya a. . . [Un’wana a ku, “Chautauqua.”—Muhleri.] Hi rihi vito ra ndhawu leyi a ndzi ri eka yona kwalahaya, eka sweswo? [“Chautauqua.”] Chautauqua. Nakona a ndzi yingiserile mahungu lawa a ya haxiwa e hotela. A maku, “Xiluva xa tshuxeko xi file enhlikanhini lowu, ekhotsweni lahawani a Ohio.”

Vanhu va Amish, a va pfumeri eka kurhumela vana va vona eka swikolo leswi swa mfumo. Va ni swikolo leswi swi nga swa vona. Nakona eka vuakelana byin’wana laha leswi a swi ri

kona, avakalanga va va ni xikolo xale henhla. I nawu wa Ohio na Indiana, ndza pfumela, i nawu wa mfumo, leswaku vana hinkwavo va fanele kuya exikolweni kufikela laha va vaku ni khume ntsevu. Nakona wanuna loyi ari ni vana vo tala, jaha ni nhwenyana, lava a va ngari ni khume ntsevu. Nakona va arile ku va rhumela e swikolweni swa mfumo laha a va dyondzisa hi vunene bya Darwin, leswaku, “Munhu u xike eka sele yin’wana, a va nkawu. Hinkwaswo leswi a nga xiswona, o va ntsena nkawu lowu wu nga kwetsimisiwa.” Nakona—nakona avakalanga va yima na swona sweswo, nakona a va pfumeleli vana leswaku va switwa sweswo.

Swingaleswi makhotso ya va khomile. Nakona muavanyisi loyi wa manyunyu u teri eka mukhalabya na mukhegula, ni misisi ya yena leyi a yi kerhiwe kahle, ni hovhorolo leyi ambariweke. U teri, “Nkulukumba, mfumo lowu wa Ohio wu na nawu lowu wu nge n’wana u fanele a ya exikolweni ku fikela laha a vaka ni khume ntsevu. Kutani” a ku, “mi arile ku rhumela vana va n’wina. Mi hlamula yini xana?”

⁸⁴ A ku, “Nkulukumba la xiximekaka, ndza wu hlonipha nawu wa mfumo lowu laha ndzi nga tswariwa kona.” A ku, “Kambe hi tile lahawani, emalembeni lawa va hundzeke, va kokwa va hina, a vari ni ntshuxeko wa vukhongeri. Nakona sweswo hi swona swi hi endleke hi va lahawani, leswaku hi va ni ntshuxeko wa vukhongeri. Vukhongeri bya hina byi hi dyondzisa leswaku hi nga pfumeri leswaku hi huma eka swiharhi, ku ta eka munhu. Leswaku . . . Hi pfumela leswaku hi tumbuluxiwile hi xivumbeko xa Xikwembu. Swingaleswi, swi lwisana ni vukhongeri bya hina loko hi rhumela vana va hina eka xikolo lexi xi dyondzisaka sweswo. Swingaleswi, hi hava xikolo xale henhla lahawani laha vana va hina va nga yaka kona. Ku ngari leswaku a hi mihloniphi. Hi hlonipha leswi mi swi pfumelaka. Kambe, eka hina, a hi pfumeli sweswo, nakona a hi swilavi swidyondzisiwa nile ka vana va hina.”

A ku, “U nga ha rhumela vana va wena exikolweni kumbe wena ni nsati wa wena mi ta tshama malembe mambirhi e ndlwini ya khotso ya mfumo.” A ku, “Mi kunguhata ku endla yini xana?”

A ku, “Mhani na mina hi ta tshama malembe mambirhi.” Hiloko va hundzuluka va sungula ku huma.

Muavanyisi wa mukhalabya u fanele a titwile a soriwe nyana, hiloko a ku, “Tsundzukani, Bibe le ya n’wina a yi ri, ‘Nyikani Khezari leswi swi nga swa Khezari xana?’”

Hiloko tatana a hundzuluka, a ku, “Nale ka Xikwembu . . . ?” A haa. A haa. A haa.

Wanuna emahungwini uteri, “Kunene, swingaleswi ntshuxeko . . .”

Kutani muavanyisi a ku, “Ndzi mi gweva malembe mambirhi.”

A ku, “Swingaleswi ntshuxeko, xiluva xa ntshuxeko, xi file eka kamara lero ra khotso, nhlikanhi lowu.”

⁸⁵ Endzhaku ka hinkwavo, va Dunkards, kumbe va Amish, kumbexani, a swi na mhaka ni leswaku va nga hava va hambanile njhani, va pfumela eka ku hanya loku kwetsimaka. Nakona ku hava na rhikodo na yin'we, kuhava na kun'we eUnited States, laha va nga tshama va va ni nandzu wa muntshwa. Ku hava na munhu na un'we, n'wana un'we, kusuka eka vukhongereri bya vona, a nga tshama a va na nandzu lonthswa. Va tshikeni va hambana, hinkwaswo leswi va lavaka kuva xiswona, va kula kahle. A ndzi va voni xihoxo.

⁸⁶ Kambe, yingiselani. Xiluva xifele kwalahaya, kwalahaya ekusunguleni. Kambe, kwalomu ka khume ra timinetse, xitlhele xi pfuxeleleka nakambe. Qhweta ra muchuchisi, hinkwavo ka vona, va sukumeterile tibuku ta vona endzhaku, va ku, “Swingaleswi ha tshika mitirho ya hina, loko, mi tshova timfanelo teto ta vumbiwa, va ta tshova hinkwayo ka yona.”

⁸⁷ Mikale mi tekela enhlokweni siku rin'wana loko bishop yaloye wo dyuhala wo tlhariha wa Methodist, u vule yini ha sweswo, a ri karhi a vula xikhongelo xexo, e—e—e exikolweni? Yaleyoye a yi ngari kereke ya Methodist. Bishop yaloye a tlharihile ku ringana ku tiva sweswo. Walowo akuri ntlawa wun'wana, wu vonেকে leswaku vale kule njhani ni ku endla, nsusumeto wa xikhongelo xin'wana e—eswikolweni. Loko va nga hundza eka sweswo, va nga ha hundza un'wana ntsena hi ku hatlisa tani hilaha va nga swikotisaka xiswona. Vale ku kombiseni ka nyangwa wun'wana ni wun'wana hilaha va nga kotaka ha kona. Mi nga vileli, va ta wu kuma.

⁸⁸ Swingaleswi, hi lava xihambano. Hi lava Kreste sweswi tani hilaha hi nga ta kota ha kona. Mi nga kuceteriwi hi munhu loyi kumbexani a nga rhumelaka thyaka ro tala ehansi. Mi nga kuceteriwi hi vanhu lava va nga ta minyika muchini wo antswa kuva mi famba ha wona, kumbe kaya ro antswa ku tshama eka rona, niku xavisa tinfanelo ta n'wina to tswariwa, eka Kreste. Ma swi endla. Langutani leswi mi swi endlaka. Minkarhi hinkwayo mi landzelela un'wana loyi a nga kuceteriwa athela a seketeriwa hi Xikwembu, leswi mi switivaka laha Xikwembu xi nga na vona. Mi nga landzeleli nkucetelo lowu nga hoxeka. Ina. Swi kahle.

Mi nga ringeti ku teka ndhawu ya un'wana.

⁸⁹ Xivono e tempeleni, a nga xivona, e—e Xiluvulweni, Xikwembu xitlakusile, Xikwembu kuva xi tlakuserile ehenhla.

Sweswi, ma yi vona hosi leyi, leyi yi nga endlwa xikombiso emahlweni ka Esaya. Nakona Esaya u vonile hosi ya leyo, tani

hilaha a kumeke ku vitaniwa ka yena, kunene, Xikwembu xi n'wi totile hi nhlokonho. Hiloko Esaya a ehleketa, “Xana ndzi nga endla yini?” Ozias a file. U dyondzile swotika evokweni ra yena. Nakona a ehleketa leswaku u fambile; a ta endla yini xana? Vutomi hi byoxe a byi fambile, eka yena, ekusuhi. Swingaleswi muprofeta lontsongo u endlile yini? U ti endlerile ndlela ya yena yo ya e tempeleni, ku ya khongela. A wela ehansi ka altari, a rila.

⁹⁰ Nkarhi wun'wana Xikwembu xa pfumelela nseketelo lowu wu tiyeke wu humesiwa ehansi ka hina. Nkarhi wun'wana Xi pfumelela vuvabyi byi hi ba. Xi pfumelela ku nyumisiwa, ku pandza ka timbilu, ku hi ba. Nkarhi wun'wana Xi endla sweswo ku kuma wena loko u kuceteriwile hi Evhangelu. Tlharhani ku ringana leswaku mi ta ri kuma. Mi ngavi swiphukuphuku swo ringanela ku fambela ekule na rona. A haa.

⁹¹ Xiyisisani. Esaya u switivile leswaku a fanele a kuma swin'wana swo hambana. Swingaleswi u endlile yini xana? U yile e tempeleni. U yimiserile mavoko ya yena ehenhla, a rilela Xikwembu. Hiloko a wela eka xivono. Nakona tani hiloko a wela eka xivono, u vonile Xikwembu, ku ngari exiluvulweni lexi xi nga ehansi lahawani, kambe lexi tlakukeke, ehenhla. Oho, mina! Mahlangula ya xifunengeto xa Xona a xi ri eku Xi landzeleleni. Xi tlakukele ehenhla eMatilweni, nakona u vonile, endzhaku nile mahlweni, etempeleni, Tiserafim ti ri karhi ti haha. Oho, mina!

Serafim, swivula “swihisi,” rito Serafim swivulaka. Laha, Ti nga ekusuhi ni altari. Kahle kahle, Tiserafim hi tin'wana leti Ti amukelaka magandzelo, ni ku basisa mugandzeri, ti n'wi humelerisa eka Xikwembu, Serafim yi endla sweswo. Sweswi, Tiserafim Leti ti hi Xivumbiwa xa Tintsumi. Nakona hi Tin'wana leti Ti nga ekusuhi swinene na Xikwembu, kwalahaya a Altareni, nakona Ti amukela gandzelo. Tikombeta kululama ka Xikwembu, leswaku xidyoho xi ngaka xi ngayi eVukoneni bya Xona handle kaloko xirivaleriwile. Wa vona?

⁹² Nakona Tiserafim leti, matsundzuka, eka tinguva ta tikereke ta nkombo, hilaha Ti nga rindzisa xiswona Evhangelu ya tona, yin'wana eka tlhelo lerin'wana! Ma tsundzuka, hi ti tlherisela endzhaku entangeni wa Eden, ni Tlharhi leri pforhaka yi yimile lahaya? Ti rindza Altari.

⁹³ Nakona Esaya, muprofeta yaloye lonkulu, loko a werile eka Moya, u vonile, xosungula, Xikwembu xi tshamile ehenhla eMatilweni, ehenhla ka hosi yin'wana ni yin'wana ya misava. A ku, “Ndzi vona Hosi, Hosi, yi tshamile ehenhla laha ku tlakukeke.” Nakona u vonile Hosi leyi yi nga yona. “Nakona mahlangula ya xifunengeto xa Yona a xi ri eku Yi landzeleleni.”

⁹⁴ Nakona u vonile Tiserafim tihahela emuakwini. A ti ri ni timpapa ti funengetile swikandza swa Tona, timpapa tifunengetile minkondzo ya Tona, nakona a Ti ri eku haheni hi timpapa timbirhi. Nakona a Ti ri eku huweleleni, “Wa kwetsima, wa kwetsima, wa kwetsima, Hosi Xikwembu xa Matimba hinkwawo. Wa kwetsima, wa kwetsima, wa kwetsima, Hosi Xikwembu xa Matimba hinkwawo.” A byi ri— a byi ri vunanga byihi! I rhidimi yihi!

Mi ri, “Ti fanele ti yi vule hiku olova ngopfu, ‘Wa kwetsima, wa kwetsima, wa kwetsima, Hosi Xikwembu xa Matimba hinkwawo.’”

⁹⁵ Esaya uteri, “Loko Ti vulavula, tiphuphu ta muako ti ninginika hi Marito ya Tona.”

⁹⁶ Ntsena a ti ngo tivulela, sweswi, “Wa kwetsima, wa kwetsima, wa kwetsima.”

Oho, i Rito rihi! Kutani a ku, “Kutani tiphuphu ti nyekanyeka ti ninginisiwa hi Marito ya Tona.” A ti ri eku huweleleni. Swivumbiwa leswi swa Tintsumi swi yimile ekusuhi na Xikwembu, ti ri eku huweleleni, “Wa kwetsima, wa kwetsima, wa kwetsima, i Hosi Xikwembu xa Matimba hinkwawo.” I xivono xihi! Yhoo! Oho, mina!

⁹⁷ Xiyisisani nakambe. Esaya, loyi a ri eku dyondzeni ehansi ka voko ra Ozias, ni ku n’wi vona loko a fa ehansi ka ku avanyisa ka Xikwembu; nakona a vona Swivumbiwa leswi swo kwetsima leswi a swi ri ekusuhi na Xikwembu, Tiserafim ti huwelela, “Wa kwetsima, wa kwetsima, wa kwetsima, Hosi Xikwembu xa Matimba hinkwawo.” Ni Tintsumi ta Vona to kwetsima ti tipfarile swikandza swa Tona. Tintsumi to Kwetsima ti tifunengeta swikandza swa tona swo kwetsima, exikarhi ka Xikwembu xo kwetsima. Kutani hina hi va mani?

⁹⁸ Sweswi, oho, n’wina va Methodist, na Baptist, na Presbyterians, na Pentekostals, hi va mani xana?

Loko, Tintsumi leti kwetsimaka ti titumbeta swikandza swa Tona leswi swi kwetsimaka ehansi ka timpapa, loko ti yima eVukoneni bya Xikwembu; loko, Tintsumi, Swivumbiwa leswi kahle kahle swi nga endzhaku ka Tintsumi. Tintsumi a ti yimi lahaya; ntsena Tiserafim. Tile endzhaku ka Tintsumi. Nakona Xikwembu xa kwetsima kufikela laha ti funengetaka swikandza swa Tona eVukoneni bya Xikwembu lexi kwetsimaka. Nakona nchumu lowu a ti wu ehleketa leswaku Ti nga wu vula a kuri, “Wa kwetsima, wa kwetsima, wa kwetsima, Hosi Xikwembu xa Matimba hi nkawo.” Yhoo! Xifunengeto xa nkoka eka Tona, ku yima eka Vukona bya Xikwembu.

Xana hi lava xifunengelo xa njhani? Ti fanele ku funengetiwa.

⁹⁹ Ndzi lava ku vula leswi sweswi. Ngati ya Yesu Kreste hinkwayo ka yona yi enele. Wa vona? Kreste a nga kalanga a fela Tiserafim ta vona. Ee, ee. Kambe i Swivumbiwa leswi tumbuluxiweke. A nga kalanga a fela Tintsumi. U fele vadyohi. A haa. A nga kalanga a fela vanhu lava va kwetsimaka. U fele lava nga kwetsimiki. Nakona tani hilaha miehleketa leswaku makwetsima, A nga mi endlelanga swa kahle. Kambe loko mi swi xiyisisile leswaku a mi nchumu, swingaleswi U file—U fele n’wina. Wa vona? Loko mi swi xiyisisile leswaku a mi nchumu, swingaleswi Yena i. . . Mi un’wana loyi A nga mi fela. Ham! Xikwembu xa kwetsima hinkwako. A kuma nchumu eka Xona handle ka kukwetsima, hiswona hinkwaswo sweswo, ku tenga.

¹⁰⁰ Sweswi a hi xiyisiseni timpapa leti, xinkadyana. Hi kuma leswaku timpapa timbirhi U ti pfarile xikandza xa Yena ha tona. Mina, ehleketa! Hambi kuri Tintsumi leti kwetsimaka ti pfarile swikandza swa Tona leswi kwetsimaka eka Vukona bya ku kwetsima ka Xikwembu. Nakona nchumu wun’we lowu Ti nga wu vulaka i ku, “Wa kwetsima, wa kwetsima, wa kwetsima, Hosi Xikwembu xa Matimba hinkwawo. Wa kwetsima, wa kwetsima, wa kwetsima, Hosi Xikwembu xa Matimba hinkwawo.”

Nakona hi byeriwile leswaku a Ti huwelela, nhlikanhi ni vusiku. Lero i goza ro sungula leri humaka eka Xikwembu, ku ta ehansi. Nhlikanhi ni vusiku, a kuna ku yima! Nakona miehleketa leswaku hi endla huwa yo tala. Mi ehleketa yini hi mamiliyoni ya Lava va rhendzeleke Xiluvulo xana? Ni Rito leri ri ninginiseke tiphuphu ta tempele, loko Yin’we ntsena ya tona yi huwelela, “Wa kwetsima, wa kwetsima, wa kwetsima,” ma switiva, Rito ra Yena ri ninginisile tempele. Loko, mamiliyoni ya Tona ti huwelela ti ri karhi ti rhendzeleka hi Xiluvulo xa Xikwembu, “Wa kwetsima, wa kwetsima, wa kwetsima, Hosi Xikwembu xa Matimba hinkwawo. Wa kwetsima, wa kwetsima, wa kwetsima, Hosi Xikwembu xa Matimba hinkwawo!”

Ni timpapa eswikandzeni swa Tona, timpapa a milengeni ya Tona, a kuri timpapa; hi ku xixima, xichavo. Oho, mina!

¹⁰¹ Sweswi akuna xichavo kumbe ku xixima eka nchumu wun’wana ni wun’wana lowu wu vulavulaka hi ku kwetsima. Mivulavula hi ku kwetsima, mi vitaniwile vavumbuluki lava kwetsimaka. A haa. A kuna xichavo, akuna ku xixima hambini nile ka Xikwembu, vanhu va Xona, kumbe Rito ra Xona. Sweswi, wi kwihi ntlawa lowu wu nga taya wu ya helela kona nakona kwihi?

¹⁰² [Makwerhu Ben Bryant a ku, “Alaska.”—Muhleri.] Ndza pfumela leswaku u vula swona, Ben. [Nhlengetano yi hleka.] U be xipikiri enhlokweni hi nkarhi walowo, jaha. [“Ndza khensa.”]

Ina, sweswo hi swona. Ntlawa lowu wu ngariki ni xichavo wu ta helela kwihi? Hi kwihi laha ntlawa lowu wo ka wu nga riki ni xichavo wu nga ta helela kana, sweswo hi swona, van'wana lava va nga xiximiki, eka hinkwaswo, eka Xikwembu?

¹⁰³ Maswitiva, switolovekise tano, loko wansati kumbe wanuna lava va nge i va Kreste, vanhu va byi xiximile. Kambe, namutlha, va tsakela ku vona leswaku va ngava ni vaseketeri lava va nga vahumesaka eka swona. Wa vona? Wa vona? Ntlawa lowu nga riki ni xichavo! Mina!

Hikokwalaho ka yini? Mativa i yini? Lexi hi xona xivangelo. A va na ripfalo ra leswaku Walowo i Ntiyiso. A va na ripfalo eka Xikwembu. A va tsundzuki leswaku Bibeke yi teri, leswaku, "Tintsumi ta Xikwembu ti rhendzela lava va Xi chavaka." A vati ntsena ku ta va endzela. Vona, va zima Matende ya vona. Amen. "Tintsumi ta Xikwembu ti rhendzela lava va chavaka Vito ra Xona," va tshama kwalahaya nhlikani ni vusiku.

Makwerhu wa mukhalabya wa mukhaladi u ri yimbelerile risimu lero, *Tintsumi Ti Tshama Ti Ri Karhi Ti Ni Rindza*. U vule tano, "Nhlikani hinkwawo, vusiku hinkwabyo, Tintsumi ti tshama ti ri karhi ti ni rindza." Sweswo hi swona. "Nhlikani hinkwawo ni vusiku, Tintsumi ti tshama ti ri karhi ti ni rindza."

¹⁰⁴ Yesu u teri, hikwalaho ka, "Vona vana lava ntsongo," a ku, "tekela enhlokweni leswaku a wu dyoheli na un'we wa vona, hikuva Tintsumi ta vona minkarhi hinkwayo ti hlalela xikandza xa Tatana wa Mina la nga Matilweni." Wa vona? Minkarhi hinkwayo va le minxaxeni ha swona, ku va rindza.

¹⁰⁵ Nakona hambi swi ri tano a va swi pfumeri sweswo, vanhu lava va nga khongeriki. Hiya eku ngheneni eka swona, "Hi lava vakhongelaka ni lava nga khongeriki leswi va nga xiswona," ni mixo, loko Hosi yi swi rhandza. Sweswi xiyisisani, a vapfumeli hambi kuri ku swi pfumela sweswo. Valahlekeriwile hi mikhuva hinkwayo leyinene, ku xixima hinkwako, xichavo hinkwaxo, hambi swiritano va ya ekerekeni. Hakanyingi ntlawa lowu wu pfumalaka xichavo lowu nga lahaya, hi wona lowu wu yaka ekerekeni. Sweswo hi swona.

¹⁰⁶ Mudyuhari wa khale wa timbhandhukwana kumbe mutlhavisi wa miseve ya dyambu e xitarateni, a hundza, a pyopyiwile nyana, u vulavula na yena hi Hosi, u ta yima a hlamulana na wena.

Van'wana va swimilana swale bedeni, lava va tivitanaka vapfumeri, timembara ta kereke, va ta mi hleka emahlweni ka n'wina, hikokwalaho ka kuva mi nga ngheni eka kereke-vito ya vona. Hiswona sweswo. Hakunene-nene. A va na xichavo. Miehleketa leswaku mifanele ku nghena eka xintlawani nyana

xa vona lexi nga tlhengukela le tlhelo kumbe hambi kuri ku hanya a mi hanyi etlhelo ka patu ra vona. Wa vona? I ntiyiso. Ku pfumala xichavo!

¹⁰⁷ Sweswi, Tintsumi leti, loko Ta hari eVukoneni bya Xikwembu, a Ti ri . . .

A tipfumela leswi Davida a nga swivula. Tsundzukani, hi swi twile lahawani, eka madyambu mantsongo lawa ya hundzeke, loko ndza ha chumayela hi swin'wana. Hiloko a ku, Davida u teri, "Minkarhi hinkwayo ndzi rhangisa Hosi emahlweni ka mina, leswaku ndzi nga tsekatsekisiwi ha nchumu. Kuya emahlweni," u teri, "manuku, loko ndzi endla sweswo, nyama ya mina yi ta wisa laha ku tshembhekeke." Ina, nkulukumba. "Hikuva ndza switiva leswaku . . . A ngaka a nga tshiki moya wa mina etiheleni, kumbe ku xaniseka ka Un'wana la Kwetsimaka wa Yena ku n'wi vona a onhaka. Minkarhi hinkwayo, Hosi yile mahlweni ka mina."

¹⁰⁸ Hinkwako laha u nga ta ya kona, rhangisa Xikwembu. Loko munhu a ku khunguvanyekela a tlhela a ku rhuketela, nghenisa Xikwembu exikarhi ka wena na yena. Loko munhu a ku vitana mukwetsimi la vumbulukaka, nghenisa Xikwembu exikarhi ka wena na yena. Loko nsati a khunguvanyeka ha wena, nghenisa Xikwembu. Loko nuna a khunguvanyeka, nghenisa Xikwembu. Loko vana va ku tikisela, nghenisa Xikwembu. Wa vona? Hambi u endla yini, nghenisa Xikwembu. Loko papa na mhani va mi phakata nyana va milulamisa, nghenisa Xikwembu, ntsundzuka leswi Xikwembu xi swivuleke ha sweswo. "Dyondzisa n'wana e ndleleni leyi a fanelaka ku famba ha yona." Wa vona? Minkarhi hinkwayo tsundzukani, nghenisa Xikwembu. Rhangisani Xikwembu emahlweni ka n'wina, nakona u tava na xichavo eka Xikwembu niku Xi xixima. Sweswo hi swona.

¹⁰⁹ Sweswi langutani! Hi timpapa timbirhi, U ti funenetile xikandza xa Yena. Kutani timpapa timbirhi . . . Sweswo a swivula xichavo, xichavo emahlweni ka Xikwembu, ku korhama, a ti funengeta xikandza xa Yena.

Sweswi, a—a hi na timpapa leti hi nga tifunenetaka xikandza ha tona. Hi korhamisa tinhloko ta hina emilengeni ya Xona; ku korhamisa tinhloko ta hina hi khongela hi xichavo, hi ku xixima. Ina, nkulukumba. Swi xiyisiseni.

Kutani timpapa timbirhi, U funenetile minkondzo ya Yena. Minkondzo ya Yena, ti funenetile minkondzo ya Yena, swikombisa vumunhu niku xixima.

¹¹⁰ Tani hi Muxe, Muxe eka—eka ku xixima, ka Xikwembu loko xi ta n'wi byela leswaku u le ka misava leyi kwetsimaka, u hlurvurile tintanghu ta yena. Wa vona? U endlile swin'wana emikondzweni ya yena.

Paul, hi ku xixima Xikwembu, hi xichavo, loko Ntsumi ya Hosi yi ta emahlweni ka yena, hi Langavi lero ra Ndzilo, u wele ehansi, hi xikandza xa yena. Ku xixima!

Yohana Mukhuvuri, u vile niku xixima kwaloko loko a ta vona Yesu loko a ta, a ku, "A swi ndzi fanelanga hambu kuri ku ndzi fanela ku khumbha minkondzo ya Yena." Wa vona? Minkondzo, ku kombisa ku xixima. Wa vona?

¹¹¹ Oho, vana ni ripfalo! Lahawani kuna nchumu wun'we ntsena lowu u nga tava ni ripfalo ha wona, i ku titsongahata ka wena. Loko u lava ku kumeka kun'wana na Xikwembu, titsongahati hakunene wena hi wexe.

U nga ti kukumuxi tani hi Ozias. A ri na kona kwalahaya, hiloko a ku, "Ndzi ta endla leswi, hi ndlela yin'wana. Hambu ndzi . . . Ku hava lexi u nga ndzi byelaka xona." Wa vona?

A fanele a titsongahatile yena hi yexe. "Ina, Nandza wa Krete, ndzi khomeleni." A tava a nga tekanga nhlokonho. Ee. "Ndza switiva leswaku walowo i ntirho wa wena. Xikwembu xi ku vitanile. Yaleyoyi i hofisi ya wena. Yanani emahlweni mi swi endla, vakulukumba. Ndzi khomeleni." Swi bakanyeni, ku vile ni ku hambana hi matsalelo eka Buku leyi.

Kambe loko a tava a lulamisiwile, u khunguvanyekile.

¹¹² U lulamisa vanhu eka swin'wana, kumbe u va byela hi swihoxo leswi va swi endlaka, va ta tshika kereke. Va ngaka . . . Va ngayi eka un'wana, byela vavasati leswaku va ngavi na misisi yo koma, "Kunene, ndzi taya eka yin'wana laha va nga ta yi pfumela."

¹¹³ Mhani un'wana u sukile kwala eka nkarhi lowu wu nga hundza . . . Ndzi rhumerile nsati wa mina. A hi ri enhlengéletanwini. A nga kalanga a kuma nkarhi wa ku hlambisa misisi ya yena. Nakona u . . . Ndzi n'wi byerile leswaku a ya eka yin'wana ya tishopo ta vona to saseka a ya hlantswa misisi ya yena. U yile kwalahaya, kutani mhani yaleyoyi a nga switivi hambu kuri ku yimisela misisi ya yena ehenhla. U kumekile a yi jikisile yi rhendzeleka hi nhloko ya yena. Tana haleno, a ku, "A ndzi se tshama ndzi hlantswa misisi ya un'wana, loyi a nga ni misisi yo leha." Swingaleswi, a va kalanga va tiva nchumu ha swona. A ndzi tivi. Oho, mina! Wa vona?

¹¹⁴ A va switivi leswaku wu vulavula hi yini. Hikokwalaho ka yini? Swihi kwalaho ka ku tsana ka phulphiti leyi va nga ehansi ka yona, hi swona, hi swona hakunene, phulphiti leyi nga tsana yi ngaka yi nga va byeli Ntiyiso. Va ti segula hi Wona. Wa vona? Swa antswa, a swi tava swi antswa loko a mi Wu twa. Nakona loko mivulavula na un'we wa vona, va ta yima, va huwelela, va ku, "A ndzi nge he pfuki ndzi yingiserile mukwetsimi ya loye wa movumbuluki nakambe." Wa vona? Yana emahlweni, Ozias. Hi swona sweswo.

¹¹⁵ Nhlokonho, hikokwalaho ka yini, swa antswa niva na nhlokonho, nkarhi wun'wana ni wun'wana, kutlula muxaka walowo wa nhlokonho. Walowo i nhlokonho wa moya. Wa vona? Loko u ya ehenhla u tlhela u huma, u kahle kwalahaya swingaleswi faya u huma eka nhlokonho, vudyoho, lebyi byi nga nyanya ku tlula nhlokonho. I nhlokonho wa moya.

¹¹⁶ Ozias hakanyingi u yile, "A ti etelelela ni vatata wa yena," Bibeletse yi vula tano. Laha, a ponisiweke, hikokwalaho ka kuva a endlile swin'wana leswi nga hoxeka. Kambe loko u swi endla, u ri karhi u tiva ku antswa, kutani wa tshoveleleka, nhlokonho wa moya. Nakona ku hava ndlela yin'wana laha u nga ngenhisaka moya wa nhlokonho. Maswitiva sweswo.

Swingaleswi, manuku, ti yiseni ehansi n'wina hi n'wexe. Titsongahateni n'wina hi n'wexe emahlweni ka Xikwembu. Mi tekela enhlokweni. Mi nga kali mi hefemuteka ni ku ahlama. Lavani Matsalwa mi vona loko swi ri swona.

¹¹⁷ Ndzi byerile un'wana, ku ngari khale ngopfu. Va teri, "Makwerhu Branham, ndza switwisisa leswaku hi wena 'Yesu Ntsena.'"

Ndzi ku, "A wu switwisisi kahle." Wa vona? Ndzi ku, "A ndzi Yesu Ntsena."

Aku, "Kunene, u khuvula hi Vito ra Yesu."

¹¹⁸ Ndzi ku, "Sweswo a swi ndzi endli ndzi va Yesu Ntsena." Ndzi ku, "Dyondzo ya Yesu Ntsena, va khuvula leswaku, 'va tswariwa ra vumbirhi. A ndzi pfumeli eka sweswo.'"

A ndzi pfumeli, ntsena tani hiloko mi khuvuriwa hi Vito ra Yesu, mi ta rivaleriwa—rivaleriwa moya wa n'wina, swidyoho swa n'wina. Ndzi pfumela leswaku Petro u teri, "Hundzukani, kusungula," hundzulukani. Mi hupile mfungho. Tlhelalani endzhaku. Hundzukani, kutani mi kombisa misava leswaku, mi khuvuriwile. Ndzi pfumela leswaku ku tswa . . . leswaku . . .

A ndzi pfumeri leswaku kutswariwa ra vumbirhi i nkhuvalo wa Moya wo Kwetsima. A hi nkhuvalo wa Moya wo Kwetsima. I kuva u velekiwa, nakambe. Hi velekiwile nakambe hi Ngati. Nsiha wa Ngati lowu wu humaka eka . . . ndzi vula, nsiha wa vutomi wu huma eka Ngati. Mikhuvuriwile, hi Moya wo Kwetsima, eMirini. Kambe mi tswariwile hi Ngati. Hi kuhetiseka. Mi tswariwile hi ngati ya tata wa n'wina. Na mina ndzi tswariwile hi Ngati ya Tatana wa mina, ni hi ya, Tatana wa hina, Krete. Ina, nkulukumba.

¹¹⁹ Kambe, maswivona, a hi pfumeli maendlelo ya lawa. Hikuva hi khuvula hi Vito ra Yesu Krete, a swi hi endli hiva Yesu Ntsena, a hi swona hinkwaswo ka swona. Ee, nkulukumba.

¹²⁰ Ina, nkulukumba. Muxe u titsongahatile yena hi yexe eVukoneni, loko a tava a twile Rito lero ra Xikwembu ri ta

tani hi sweswo. Ri ku, “Hluvula tintanghu.” Kutani Muxe u khizamile ehansi a hluvula tintanghu ta yena. Wa vona? Sweswo hi swona.

¹²¹ Paul, loko Kuvonakala kwaloko ku tava ku n’wi bile a wela ehansi. U teri, “Saul, Saul, u Ndzi xanisela yini?”

Aku, “U mani, Hosi?” A ri ehansi. “A kuri yini xana?”

Aku, “Ndzi Yesu.” Langavi lero ra Ndzilo, “Ndzi Yesu. Swa nononhwa eka wena ku khadlaya risungunu.”

Aku, “Hosi, xana ndzi nga endla yini?” A ti lulamiserile.

¹²² Yohana Mukhuvuri u N’wi vonile loko a ta. Un’wana wa vavanuna lavakulu! Yesu u teri a ku tshamanga kuva na munhu, loyi a nga tswariwa hi wansati, loyi ari nkulukumba tani hi Yohana. Nakona loko Yohana a tava a N’wi vonile, u swi tekerile enhlokweni leswaku ari lontsongo. Aku, “A ndzi na nfanelo yo hluvula tintanghu ta Yena.” Amen.

¹²³ Minkarhi hinkwayo xiyisisani, wanuna lonkulu a ti tsongahata yena hi yexe. Hi ndlela yale henhla kuya ehansi, minkarhi hinkwayo. Ti yiseni ehansi, kutani Xikwembu xi ta mi tlakusa. “Loyi a tikurisaka yena hi yexe u ta tsongahatiwa, kambe loyi a titsongahataka u ta kurisiwa.” Oho, mina! Ndzi tsakela sweswo.

¹²⁴ Ti yisi ehansi wena. Minkarhi hinkwayo tshama u ri lontsongo. U ngavi mubaleseli lonkulu. Vana nakulorhi lontsongo. Wa vona? Xikwembu hi xona xi ri Xoxe, exikarhini ka hina, xi nga lexikulu, hi ndlela yin’wana. Sweswo hi swona.

¹²⁵ Minkarhi hinkwayo mi ri, “I kereke yo kwetsima. Vanhu vo kwetsima.” Oho, ee. I Xikwembu lexi kwetsimaka, sweswo hi swona, i kereke leyi nga kwetsimangiki ni vanhu lava nga kwetsimangiki. Hi swona. A mi hi yona ndlela ya leyo tani hi kereke leyi yi kwetsimaka; i Xikwembu lexi kwetsimaka xi nga ekerekeni. A hi vanhu lava kwetsimaka; i Moya lowo Kwetsima wu nga evanhwini. Swingaleswi, a mi vulavuli hi vanhu; va vulavula, hi Moya wo Kwetsima lowu wu nga eka vanhu.

Amen. Ina, nkulukumba. Lero i rito leri nga rona. Amen. Leri ri baka ekaya. Ndzi ni vutitwi bya lero rin’wana. Ina, nkulukumba. Xi tsakela sweswo. Ndza switiva sweswo. Wa kwetsima. Ina, nkulukumba. Hi swona.

¹²⁶ Ti yisi ehansi. U tipfarile xikandza xa yena hi timbirhi, hi xichavo. A titsongahata yena hi Yexe, hiku tifunengeta minkondzo ya Yena.

Sweswi, xa vunharhu, ha timbirhi A haha ha tona. U tekile goza yena hi yexe ha timbirhi ta tona. A ri ni xichavo emahlweni ka Xikwembu. A titsongahata emahlweni ka Xikwembu. Ku ngari sweswo ntsena, ntsena A nga kalanga a tshama lahaya, kambe U tivekile eka ku teka goza yena hi

Yexe. Ku vulavula hi Kereke! Amen. A tiveka yena hi Yexe eka ku teka goza! Hambani a nga hava A ri na yini, A ti lulamiserile ku famba na swona. Ina, nkulukumba. Nchumu wun'we lowu A nga wu vulaka a kuri, "Wa kwetsima, wa kwetsima, wa kwetsima, Hosi Xikwembu xa Matimba hinkwawo," kambe A tiveka yena hi Yexe eka ku teka goza ni sweswo. Sweswo hi swona. A kumeka a teka goza.

Sweswo hi leswi Kereke yi swilavaka madyambu lawa, i, xosungula, yi fanele yi va ni xichavo; lexi landzelaka, yi titsongahata; kutani u kumeka wena hi wexe u teka goza. Ina, nkulukumba.

¹²⁷ U kombisile muprofeta, loko Xi tava xi kombisile muprofeta leswi Xi ti yimeriseke xiswona eka malandza ya Xona, ni leswi a Xi ya ekuswi endleni. Xana Munhu loyi u yi endlile yini, Ntsumi leyi? Muprofeta loyi u vonile Rito ra Yena ri ninginisa tiphuphu etempeleni loko Ti huwelela, "Wa kwetsima, wa kwetsima, wa kwetsima, Hosi Xikwembu xa Matimba hi nkwawo!" Hiloko muako wu ninginika. Kutani Ti huwelerile nakambe, "Wa kwetsima, wa kwetsima, wa kwetsima, Xikwembu xa Matimba hinkwawo!" Kutani muako wu ninginika.

¹²⁸ Esaya u teri, "Yo mina!" Muprofeta, muprofeta la tiyisisiweke, la nga tswariwa a ri muprofeta, muprofeta lonkulu wa Bibe, hiloko aku, "Yo mina, mahlo ya mina ya vonile ku kwetsima ka Xikwembu." Langutani muprofeta yaloye loko a ti tsongahata yena hi yexe. Muprofeta, wanuna loyi Rito ra Xikwembu ri taka ha yena, kambe loko a vona xivono xi teka goza, u teri, "Yo mina, hikuva ndzi yimile ekusuhi kufikela laha ndzi vonaka Vukona bya Hosi."

¹²⁹ Vanhu va hina va ximanguva lawa va ma Amerika va nga ha swivona loko swi humelela, nakona va fambela ekule vatlhela va swi hleka. Ina. Sweswo hi swona. Loko, a vonile xivono loko xikombisiwa, xivono lexi kombisiweke. O Xikwembu, va na ni tintswalo eka misava leyi taleke hi vudyoho!

¹³⁰ Xivono lexi kombisiweke! A huwelela, "Yo mina, hikuva ndzi munhu wa milomo ya thyaka, ndzi akile exikarhi ka tiko ra milomo ya thyaka. Ndzi lovile. Kuhava xa kahle ha mina."

¹³¹ Kunene, mi ri, "Xikwembu a xi katekisi, ndzi nghena Presbyterian, Methodist, Baptist, Pentekostals! Ndzi ngaka ndzi nga tshami ndzi yingisela maendlelo ya lawa." Hi kwihi ku hambana kwalahaya! Hi kwihi ku hambana!

¹³² Tsundzukani, muprofeta loyi, u vitaniwile kusuka eku tswariweni ka yena, a tiyisisiwa, a hlawuleriwela hofisi ya yena, nakona a langutele Ntiyiso, nakona a ri ni hosi. U vonile mintirho ya Xikwembu yi kombisiwa. Kambe loko xivono lexi

nga pfuleka xi ta, ematshan'wini ya ku ti kurisa, u teri, "Yo mina! Ndzi lovile. Ndzi le ka swona sweswi, hikuva mahlo ya mina ya vonile ku kwetsima ka Xikwembu."

¹³³ Swingaleswi hi nga ha vona ku kwetsima ka Xikwembu, nakona hi ta famba hinkwako, hi ku, "Ntlawa wa vavumbuluki va vakwetsimi, vanhu lava va hlanya." A swi hlamarisi niloko hi nga fikeleli ka helo.

¹³⁴ Tsundzokani, ndzi mi byerile, loko ndzi ta lahawani, ndzi vula swin'wana leswi nga ta pfuna vanhu. Wa vona? Ina. Hi fanele hi swi xixima sweswo. Ntsena hi fanele hi xi nyika nyana ku xixima hi loku hi nga ku kotaka, loko hi vona xivono lexi xi pfulekeke xihumaka eka Xikwembu loko xi vulavula, nakona hi switiva leswaku i Ntiyiso.

¹³⁵ "Yo mina," ku vule Esaya. "Ndzile muakwini madyambu lawa," kumbe namutlha, kumbe ku nga hava rini, "nakona ndzi vona ku kwetsima ka Xikwembu. Ndzi vona Ntsumi yi vulavula, nakona ndzi vona swin'wana swi famba. Ndzi languta ehenhla lahaya, kutani ndzi vona Xikwembu xi tikombisa lahaya. Yo mina, hikuva ndzi munhu wa milomo ya thyaka, nakona ndzi tshamile exikarhi ka tiko ra milomo ya thyaka."

¹³⁶ Langutani leswi nga humelela. Oho, xana Xi endlile yini? Xi kombetile Esaya, wa muprofeta, leswaku vanhu va ta xiximiwa, va tava ni xichavo eVukoneni bya Xona, xichavo niku titsongahata, nakona kumekani mi teka goza. Sweswo hi swona. Tlhavani goza.

¹³⁷ Tani hi wansati exihlobyeni, loko a tava a vonile swin'wana swi humelela, makwerhu, a ri ni timpapa timbirhi. U tsutsumile, hi tona, hi ku hatlisa. A huma lahaya, exihlobyeni xa Yakobo, ku ya kuma swin'wana swa mati lawa ya nyamisiweke lawa a va phikizana ha wona. Kambe loko a tava a nwile eka Xihlovo xexo xa Vutomi, u tekile goza hi xihatla.

A nga kalanga aku, "Nkulukumba, ndza kombela ndzi byeli laha U nga yi kuma kona dyondzo? Mhaka leyi U yi kuma kwihhi xana? U yi dyondze njhani?" Kumbe, "U switiva njhani leswaku ndzi na vavanuna va ntlhanu xana? U switiva njhani leswi nga hoxeka ha mina xana? U switiva njhani leswaku ndzi wansati wa Samaria? Xana U switiva njhani swilo leswi?"

A nga kalanga a vutisa. U teri, "Nkulukumba, ndza pfumela leswaku U Muprofeta. Ha switiva leswaku loko Mesiya a ta, U ta hi byela swilo leswi." Oho, mina! U swi tekerile enhlokweni hi Matsalwa, hiloko a ku, "Ndza switiva, loko Mesiya a ta, U ta hi byela swilo leswi." Ham!

Aku, "Ndzi Yena."

¹³⁸ U tekile goza. U yile edorobeni hi xihatla, tani hi ku tika tani hilaha a nga fambisa xiswona. A ku, "Tanani, mi

ta vona Wanuna Loyi a ndzi byeleke swilo leswi ndzi swi endleke. A hi yena Mesiya la fanaka xana?" Loko a vonile Ntiyiso, a nga kalanga a ringeta ku tlanga bolo, kambe yena a ri ni ntiyiso wa ku Ri hundzusela kun'wana—kun'wana, eka vaxiximeki vo tala. Nakona ari ni ntiyiso wa ku Ri nyika vuseketeri byo hlaya. Hikuva, u yile edorobeni, a ya ku, "N'wina tanani, mi ta vona. Loko mi nga swi pfumeri, tanani, a hi fambeni swin'we."

¹³⁹ Wa kwetsima! Ndzi titwa tani hi muvumbuluki wa mukwetsimi emadyambyini lawa. Ina, nkulukumba. Wa mina! Loko ya leyo kuri ndlela leyi mi titwisaka xiswona, kuva mi ri muvumbuluki wa mukwetsimi, mi nge na mina ndzi va un'wana wa kona. Ina, nkulukumba.

Ndza switiva leswaku U kahle. Ndza switiva leswaku U kwalahawani. Ndza switiva leswaku ka hari Mesiya ya luya. Ndza switiva leswaku ka ha ri Xikwembu xexiya. Kreste yaluya a fanaka u kwalahawani eka muako lowuntsongo, wa khale lowu wu hisaka emadyambyini lawa. Ndzi nga ha mikombisa swona. Amen.

¹⁴⁰ Langutani Ntsumi ya leyo ya Hosi leyi nga yima lahaya eka yinhla liya, ehenhla ka wanuna loyi a tshameke *lahawani*. Vito ra yena i... Hi Yona mufundhisi. Nkulu. Witt. U huma eVirginia. Hi swona. U karhatiwa hi ku rhurhumela ko tshoveleleka ka minsiha. Loko u pfumela hi mbilu ya wena hinkwayo, u nga haya ekaya u hanyile. Wa swi pfumela xana, nkulukumba? Swikahle. Yana ekaya, u hanyile. Ku tshoveleleka ka ku rhurhumela ka wena ka minsiha ku herile.

¹⁴¹ Lahaya, exineneni, loyi a nga tshama lahaya, vito ra yena i Morriah. U huma eIllnois. U karhatiwa hi rhumbu lerikulu. Loko u nga swi pfumela sweswo, nkulukumba! Wa swi pfumela xana? Ndzi muluveri eka wena. Loko u swi pfumela sweswo, byi ta hambana na wena. [Makwerhu Morriah a ku, "Ndza swi pfumela."—Muhleri.] Haleluya!

Loko kala ra Ndzilo ri khumbhile muprofeta,
Ri n'wi basisa tani hilaha a nga vaka hakona;
Loko Rito ra Xikwembu ri ku, "I mani a nga
ta hi yela?"

Swingaleswi a hlamula, "Hi mina loyi. Ndzi
Rhume."

¹⁴² A swi na mhaka ni leswaku ku xaniseka ku njhani, a swi na mhaka ni leswaku xihambano xi njhani, "Ndzi rhume, Hosi. Hi mina loyi." A swi na mhaka leswaku i vangani va mi tekelaka ehansi, i vangani *lava, valava*, kumbe va *n'wana*, "Ndzi rhume."

¹⁴³ Wa ha ri yena Mesiya ya luya. U kwalahawani sweswi. Ndza N'wi vona nakambe. Amen.

144 I yini xana? Wansati yaloye u tekile goza. U vile ni timpapa ta vona a sungula ku haha. U tekile goza hi xihatla.

145 Loko, muapostola Petro, loko a tava a tekile Xikwembu eRitweni ra Xona, siku rin'wana ehandle e lwandle. U rhiyile vusiku hinkwabyo nakona a nga phasangi nchumu. Kutani Yesu u tile eka yena. Aku, "Hoxa rikoka ra wena eka tlhelo lerin'wana ra byatso."

146 A ku, "Hosi, ndzi muphasi wa tinhlampfi. Na switiva loko tidyela ni loko ti nga dyeli. Ni tiva laha ti nga kona ni laha ti ngariki kona. Kambe ndzi rhiyile vusiku hinkwabyo kambe a hi kalanga hi kuma hambu xihlampfana xinene. Sweswi, loko U ku, 'Hoxela lahaya,' ndza switiva leswaku ku hava tinhlampfi lahaya. Kambe, hi Rito ra Wena, Hosi, ndzi ya ekuri hoxeni rikoka." Xana u endlile yini? U tekile goza. Amen!

147 Lahawani hi lexi xidziva xi nga tala hi mati. Loko u nga khuvuriwanga hi Vito ra Yesu, i nkarhi wa ku teka goza. Loko ntsena u ri xirho xa kereke, nakona u nga xi tivi Xikwembu hi nkhuvalo, wa Moya wo Kwetsima, i nkarhi wa ku teka goza. Hi swona. Tifunengeti xikandza xa wena, hi xichavo. Funengeta minkondzo ya wena, hi vumunhu, u khizama hi matsolo ya wena. Kutani u teka goza. Loko u nga xitivi Xikwembu, teka goza.

148 Loko wanuna wa bofu, loyi a nga voni, loko Yesu a tava a vulavurile na yena, a tshutela marhi a endla ndzhope a tota emahlweni ya yena, a horisiwa—a horisiwa. Loko a tava A swi endlile, u tekile goza. U hangalasile xidumo xa Yena. A nga kalanga a ringeta ku tlanga bolo. Kambe, makwerhu, u hangalasile xidumo xa Yena eka matiko hinkwawo lawa ya nga ekusuhi. U endlile yini xana? U tekile goza. Nkarhi wun'wana, wanuna wa bofu u horisiwile.

A ku, "Wanuna ya loye i mudyohi. A wu n'wi tivi hambu kuri ku N'wi tiva."

149 A ku, "Hambu A ri mudyohi, kumbe a ngari yena, a ndzi switivi. Kambe lexi ndzi xitivaka, hi leswaku a ndzi ri bofu, sweswi ndza vona." Xana u endlile yini? U tekile goza.

150 Sweswo hi leswi kereke yi swilavaka: ku teka goza. Hi na swivumbeko swo tala. Hi na ntikelo wo tala wa misava. Hi lava ku kumeka hi ri karhi hi teka goza. Amen.

U hangalasile xidumo xa Yena hi ku rhendzeleka, hinkwako.

151 Vanhu vale Pentekosta, a va nga tivi ngopfu. A va nga swikoti ni ku tsala mavito lawa ya nga ya vona, van'wana va vona. A va chava, kutani va kumekile eka kamara rale henhla. Kambe, siku rin'wana, va endlile yini xana? Va yile ehenhla lahaya hi ku yingisela Rito ra Xona. Va tekile Rito ra Xona.

Oho, loko vanhu ntsena namutlha va nga teka Rito ra Xona, swingaleswi va ta kumeka va teka goza.

¹⁵² “Tshamani n’wina edorobeni ra Yerusalema.” Luka 24:49. “Mi ta amukela Moya wo Kwetsima endzhaku ka leswi, xitshembhiso lexi, endzhaku ka Moya lowu wo Kwetsima loko wu tava wu tile ehenhleri ka n’wina, swingaleswi mi tava timbhoni ta Mina.” Mintirho 1:8. Luka 24:49 yi ri, “Vonani, Ndzi ta mi rhumela xitshembhiso xa Tatana ehenhleri ka n’wina, kambe tshamani mutini wa Yerusalema kufikela siku leri mi nga ta funengetiwa hi matimba ya le Henhla.”

Kufikela rini? Awara yin’we, tiawara timbirhi, khume ra masiku, tinhweti ta mune, tinhweti ta ntsevu xana? A swikali swiva ni ku hambana. “Ku fikela.” Swi tava nkarhi wo tani hi kwihi sweswo? Ntsena ku fikela. Loko u kombela swin’wana ni swin’wana eka Xikwembu, tshamani kwalahaya, ku fikela. Amen. Yhuu! Ndzi—ndzi titwa kahle. Tshamani ku fikela. Ku fikela rini? Ku fikela loko swi humelela. Swikoxeni. Swi pfumeleni. Khomelelani eka swona. Tekani goza. Mbhonyelani ha swona. Wa kwetsima! Ina. Mbhonyelani. Mi nga chavi. Tekani goza!

¹⁵³ A va ri eka kamara rale henhla. Yini? Vadzunisa niku katekisa Xikwembu. A va endlela yini xana? Xitshembhiso. Va switivile leswaku swi fanele ku humelela. Kwalaho mi nga kona. Tekani goza. Fambani mi ya dzunisa Xikwembu ku fikela laha xitshembiso xihetisekaka. Mi na xitshembhiso.

¹⁵⁴ Loko mipfumela leswaku Xikwembu xa horisa, tshamani mi teke goza. Loko mi pfumela leswaku Xi ya eku mivitaneni sweswi, nakona mikhomelele eka Xona, tshamani mi teke goza. Amen. Tshamani mi teke goza. Mi na timpapa timbirhi, swingaleswi ti tirhiseni. Tshamani mi teke goza. Va koweteli endzhaku nile mahlweni, “Hosi, ndza pfumela. Hosi, ndza pfumela.” Ntsena a mi nge swikoti ku huwelela mi ku, “Wa kwetsima, wa kwetsima, wa kwetsima,” mifanele mi ku, “Hosi, ndza pfumela.” Tshamani mi teke goza. Amen.

¹⁵⁵ Vatshamile va teke goza kufikela laha “kutaka mpfumawulo kusuka eMatilweni tani hi xihuhuri,” swingaleswi hakunene a va teka goza. Swingaleswi va yile emahlweni ni goza. A ha.

¹⁵⁶ Buti, Sesi, leswi hi swivoneke swi humelela emasikwini lawa yo hetelela ku fanele ku hi veka laha hi nga ta teka goza. Amen. Hi tava laha hi tekaka goza. Sweswo hi swona hakunene.

Hi tshama hi ku rhendzela tani hiloko kuri ni swin’wana...Kutani, kunene, vanhu va tshame hiku rhendzela, vanhu va Pentekostal. Hosi yi ta endla swin’wana. Va ri, “Ham! Sweswo swi saseke ngopfu.” Oho, mina! Mi nga languteki ngopfu tani hi Serafim leyi hanyaka ekusuhi ni Xikwembu. A ha. Sweswo hi swona.

¹⁵⁷ Murhumiwa, loyi hambu a nga ekusuhi na Xikwembu, mi va n'wana wa Xona, endzhaku ka altari ya nsuku. Serafim yile ka altari ya nsuku. Kambe n'wina, tani hi jaha ni nhwana, yanani mikongomile Vukona bya Xikwembu. A mi fanelanga mi ya eka muprista un'wana ni swilo leswi hinkwaswo. Hi Xona Muprista wa n'wina. Ma vona? Kona kwalahaya eka Vukona bya Xona, tani hi majaha ni vanhwenyana. Makwerhu, ndza pfumela leswaku hi na timpapa to tlula timbirhi. Amen. Hi na Moya wo Kwetsima. Sweswo hi swona.

¹⁵⁸ Kambe hi fanele kuva hi tekile goza hi xichavo ni vumunhu. Ku ngari ku teka goza ro ringeta ku sukumetela swin'wana eka un'wana, kambe hi ku xixima kwaloko ni vumunhu, leswaku hi nga hava eka ku teka goza ni ku, vula leswi, "Yo hina! Hi vonile Vukona bya Matimba hinkwawo. Hi vonile swivono swi humelela, ntsena hilaha Xi swi vuleke hakona, 'Mintirho leyi Ndzi yi endlaka, mi ta yi endla na n'wina. Mi ta endla yo tlula leyi ndzi yi endleke, hikuva Ndzi ya eka Tatana wa Mina."

¹⁵⁹ Hi vonile swotala swi humelela swo tlula leswi nga tsariwa. Kutani, kunene, hi vonile swotala swi humelela eka nhlengeletano yin'we, ni swilo swa vona, swo tlula leswi tsariweke eka Bible. Hi swona. Swotala eka nhlengeletano yin'we kutlula leswi tsariweke eka makume nharhu na hafu wa malembe ya Vutomi bya Yena. Sweswo hi swona. Ehleketa hi swona. Hi swivonile hi mahlo ya hina. Hi swivonile swi humelela. Hi swivonile swivuriwa, swi humelela, swi languteni. Swilema, mabofu, vo khwita, lava nga kotiki ku famba! Swilo leswi nga vuriwa, leswi humeleleke hakunene eka thonsi, a swi kalanga swi hluleka. Makwerhu, sweswo swi fanele ku hi veka eka ku teka goza ni vumunhu ni kuxixima.

¹⁶⁰ Kusuka eka khumbi endzhaku hi nkarhi wa Bible, loko Langavi ra Ndzilo ri nembela ehenhla ka va-Israel, nakona Ri ti endle nyama ri tshama exikarhini ka hina. "Ndzi huma eka Xikwembu nakona ndzi tlhelela eka Xikwembu."

Mukwetsimi Paul u Ri vonile ri wela exikandzeni xa yena. Mudyondzisi lonkulu tani hi Paul, a dyondzeke ehansi ka Gamaliel, a vumbuluka eritshurini a rila, "Hosi, Hosi, U mani Xana? Ndzi ti lulamiserile ku famba." Wanuna wa kahle, leswi a ri xiswona, n'wana wa xikolo, nakona u titsongahatile hikuva u vonile Langavi ra Ndzilo.

¹⁶¹ Ku ngari ntsena loko hi Ri vona hi mahlo ya hina, ri famba-famba exikarhini ka hina, kambe hambu swi ri tano hi na Rona hi xisayense. Ri fanele ku hi veka laha hi nga ta teka goza. Hi Ri vona ri endla leswi swi fanaka ni leswi Ri swi endleke endzhaku lahaya. Ra ha swi endla namutlha, xitshembhiso xa Tatana. Mina! I yini xana? Ri ta ku ta tiyisisa Rito, ku

khorwisa Rito leswi ri nga xiswona. Sweswo swi fanele ku veka Kereke eka ku teka goza. A mi swiehleketisi xiswona xana? [Nhlengeletano yi ku, “Amen.”—Muhleri.]

¹⁶² Ha timbirhi u tifunengetile xikandza xa yena, hi xichavo. Ha timbirhi U ti funengetile minkondzo ya yena, vumunhu. Ha timbirhi u yile ekutirheni. U fambile, a tiveka eka ku teka goza.

¹⁶³ Sweswi hi fanele ku teka goza, hi ku xixima Rito. Hi fanele ku byela vanhu.

¹⁶⁴ Swikombiso swa ku Vuya ka Yena swa humelela, hinkwako, hi swivona swisukumetela eRitweni. Hi twa Moya wo Kwetsima loko wu ta, wu hi byela hi swilo leswi lunghiseriwaka ku humelela.

¹⁶⁵ A swi na ku tlula makume mbirhi wa malembe lawa ya hundzeke, kona kwala eka muako wa lowu, Wu hi byerile hi Presidente Kennedy loko a nghena. Wu hi byerile hi leswi swi nga ta humelela hakunene, leswaku vavasati nikuya emahlweni va ta ngenisa nakulorhi loyi, ni leswi hakunene a nga tava xiswona. Nakona hi switivile khale, ni ku hi byela leswi swi nga ta humelela hakunene. Nakona hi leswi namutlha. Nakona lahawani hi yaleyo khonferense yi taka, nhlango wa kereke, hinkwato ti ta hlengeletana kun’we. Hikokwalaho ka yini, swi fanele ku hi veka eka ku teka goza! Sweswo hi swona. A haa.

¹⁶⁶ Rito hi rito, tani hi laha A vuleke, swi hetisisiwile hi hina. Swi nga hi endla hi teka goza.

¹⁶⁷ Tani hi muprofeta, hi byi vonile mbuyelo, kumbe kuya emahlweni ni ku famba; ku kaneta, kutlakusiwa ka tidinominexini, ku lahlekeriwa hi ti ndhawu ta tona.

¹⁶⁸ Tani hi Esaya a yimeke kwalahaya, a—a ri munhu wa dinominexini, ku sungula hi swona. U dyondzile ehenhleri ka hosi hikuva a ri wanuna wa kahle, kambe u vonile vutikukumuxi bya yena leswaku byi endlile yini eka yena. Byi n’wi susele, makumu.

Nakona hi swivonile leswaku vutikukumuxi bya dinominexini yona hi yoxe byi endlile yini eka kereke. Byi humesele makumu lava va tivitanaka kereke ya dinominexini yi humela makumu e rhingini. Ndzi byeleni laha yi n’we yi nga tshama yi pfuka endzhaku kaloko yi wile. Swile kwihi xana? Langutani endzhaku eka matimu hi languta loko i ngi kuri ni kereke yin’wana leyi tshameke yi wa. Tani hiloko yi tikondletela, yi wile, nakona a ya ha vuyanga nakambe.

¹⁶⁹ Ozias a nga ha kalanga a tlhelela etempeleni nakambe. A ri wa nhlokonho, hi masiku ya yena hinkwawo; nakona u lahliwile, ari wa nhlokonho. Ina, nkulukumba. Sweswi, muprofeta u vonile leswi swi nga endlekisa xiswona. U swi vonile sweswo, leswi vutikukumuxi byi swi endleke.

“Hikokwalaho ka yini? Hina, hi tano, ekusuhisuhi ni... Kuhava munhu loyi a nga taka eka tidinominexini ta hina handle kaloko a—a kamberiwa emahlweni ka vakamberi va miehleketo, ku vona loko IQ ya yena yi ri kahle, kumbe yi nga ri kahle. U fanele a va a ri ni D.D.D., Ph.D. a nga si ta, a ta vulavula na hina. Vabodo ya hina va ngaka va ngavi na yena, loko a ri hava.” Oho, mina. “Lexi antswaka—antswaka i ntlawa wo antswa etikweni lowu wu taka. Langutani mimovha leyi nga e tindzhawini ta hina. I ti Cadillacs ni ti Rickenbackers, nikuya emahlweni.”

¹⁷⁰ Hi wu vonile nchumu walowo loko wu fa. Hi wu vonile wu file. Nakona nchumu hinkwawo wu kumekile wu tatiwa hi ku hlayela, ku endleka timbanga, timbanga leti boleke, kumbexani, tani hi laha Bibebe yi swi vitaniseke xiswona. Hinkwato i timbanga, ti ri tin'we. Ta nunhwa. Sweswo hi swona. Hi kuvulavula ka ximoya, ndza swivula. Wa vona? A haa.

¹⁷¹ Hi va vona vatshika laha va nga khomelela kona va khomelela eka Rito ra Xikwembu, ni ku tlakusa mikhuva. Hi tivone ti endla yini xana? Ti ba hi nhlokonho, ku ala kupfumela. Yhoo! Mina, oho, mina!

Tani hi Ozias, a ringeteke ku teka ndzhawu ya lowa ntoto wa Yena, hofisi leyi nga ni ntoto, endzhaku kaloko a tava a biwile, nakona u ti kumile swi n'wi tsandzile.

Nakona hi tivonile tikereke leti ti ringeta ku teka ndhawu ya hofisi leyi nga ni ntoto, ku chumayela Rito ra Xikwembu, tikumeka ti huhula na Rona. A va xitivi lexi va nga xi endlaka. Va veka Rito ehandle ka vona, a va xitivi lexi va nga xi endlaka. Hiswona hinkwaswo, “Hi pfumela leswaku Sweswo a kuri swa siku rin'wana.” I yini xana? Swi va pfilunganyile. U nga yi khoma njhani hofisi ya ntoto wa Xikwembu u ri karhi u tsan'wa Rito ra ntoto laha ku nga Xona hi xivumbeko xa Rito? U nga ri tsana njhani Rito leri nga lulama, nakona u kala wa ha vula leswaku u na ntoto wa Moya xana?

¹⁷² Nchumu wun'we ntsena lowu wu nga ta kombeta Rito ra Xikwembu i Moya wo Kwetsima wona hi Woxe. “Loko Yena, Moya wo Kwetsima a ta ta, U ta teka swilo leswi swa Mina a swi kombisa eka n'wina.” Hi swona.

Xana u nga teka njhani ndhawu ya hofisi ya ntoto nakona u va wa ha nghena emikhuveni kumbe dinominexini? Va file. Nchumu lowu mi nga wu endlaka i ku wela ehansi mi rila, “Hosi Xikwembu, ndzi munhu wa milomo ya thyaka.” Ina, nkulukumba.

¹⁷³ Tidinominexini ta vona ti ringeta ku teka ndhawu ya Kereke leyi kwetsimaka. “Hi pfumela eka Xikwembu Tatana xa Matimba hinkwawo, Mutumbuluxi wa matilo ni misava,

na Yesu Kreste N'wana wa Xona. Hi pfumela eka kereke ya Roman Catholic yo kwetsima ni hinkwaswo swilo leswi hambaneke. Hi pfumela eka xilalelo xa vakwetsimi.”

¹⁷⁴ Ndzi pfumela eka xilalelo xa Kreste. Ina, nkulukumba. Ndzi pfumela leswaku vakwetsimi vale Vukwetsimeleni. Hakunene. Kambe ndzi pfumela leswaku hi na Muhlenganisi un'we exikarhi ka Xikwembu ni vanhu. Ina, nkulukumba. Sechani maendlelo ya lawa? Lahawani, Bibeledi ya swi kaneta sweswo.

Va ri, “Kunene, yaleyo i Bibeledi.”

Sweswo i Xikwembu. “Rito a ri ri na Xikwembu. Nakona Rito ri endlile nyama, ri tshama exikarhini ka hina.” Sweswi Rito ri le nyameni ya hina, ri ti kombisaka rona hi Roxe, ri nga na ntoto wa Moya wo Kwetsima. Inkarhi wo teka goza! Sweswo hi swona.

¹⁷⁵ Ku hetiseka ka xivono ehenhleri ka muprofeta, oho, mina, swi n'wi endlile leswaku a tivula leswaku ari mudyohi. Muprofeta wa ntoto, u teri, “Ndzi munhu wa milomo ya thyaka. Ndzi hoxile. Ndzi endlile xihoxo. A ndzi basanga, hi vumina.” A ri mudyohi. U tivurile swidyoho swa yena. Ina, nkulukumba. Swi endlile muprofeta wa Xikwembu a ti vula leswaku i mudyohi, sweswo hi leswi xivono xi swi endleke.

Tin'wana ta ti D.D.D., Ph.D. va ta Ri hleka, nkarhi wun'wana kuva ku ri vurhangeri bya kereke yin'wana.

¹⁷⁶ Mikale mi switwa leswi khadinal a swivuleke, eka vuhaxi bya mahungu namutlha? U teri, “Kuna van'wana lava dyondzisaka leswaku ku vuya ka Hosi kule kusuhi.” A ku, “Hakunene, hi fanele hi tshika ntlawa walowo. Hi lava vu—vu vun'we bya vukhongereri bya misava.” Ntsena byi fana.

¹⁷⁷ N'wina vanhu, mi nga etleri sweswi. Nchumu wule kusuhi kutlula leswi miehleketsaka xiswona. Nakulorhi loyi u tifanela ntsena ni loyi “a nga n'wi tivi Yosefa,” maswitiva. Kutani, langutani, va nghena ntsena tani hi mano ya vuxisi tani hilaha swi nga vaka xiswona. Va khomelela lahawani, eka ndhawu yaleyo yo hetelela, laha, “Va vumbaka xivumbeko xa swona,” hi ku teka nhlango wa tikereke va wu endla wu vulavula tani hi ku fana ni leswi xivandzana xi swi endleke, ni ku xi nyika matimba ya ku xanisa vanhu hinkwavo lava va khongelaka, niku ya cinca minkarhi ni milawu ya Xikwembu. Ntsena tani hilaha Ri vuleke. Wa vona?

Hi ta nghena eka sweswo, endzhaku. Nkarhi wu fambile, madyambu lawa. Kambe hi ta...Ma switiva, hi ndlela yin'wana. Ina, nkulukumba.

Swi n'wi vangerile, swi n'wi vangerile, leswaku a tivula yena hi yexe leswaku i mudyohi.

¹⁷⁸ N'wina a mi ta ku yini xana? Hikokwalaho ka yini, loko kuri ni lava va tivulaka namuntlha, va nga ha ku, “Kunene, ndzi Dokodela *So-na-so*.”

Ndzi twile bishopo a ku, “Loko ndzi fika eTilweni, ma switiva leswaku ndzi ta endla yini?” A ku, “Ndzi ta ya eka—eka Yesu ndzi ya vula leswaku, ‘Wa ndzi tiva leswaku ndzi mani xana? Ndzi Bishopo *So-na-so*. A ku, ‘Ina, ndzi twe mhani wa Mina a vulavula ha wena.’” A ku, “Vanhu lava va pfumelaka Bibebe, swi fana niku pela ematini ya ridaka, a wu tivi laha u yaka kona.” A mi swi ehleketi sweswo.

¹⁷⁹ Hi Yena Muleteri wa mina. Ndzi ta chumayela hi sweswo, madyambu ya mundzuku. A haa. Ina, nkulukumba. U ta mi letela ematini hinkwawo ya ridaka laha u nga ta famba kona, hinkwako ku biha loku nga entangiki, ni tindhawu hinkwato tale henhla ni tindhawu tale hansi, hambu ti ngava tihi.

U ta ndzi letela nile enambyeni wa rifu. Amen. Oho, ina, nkulukumba, U ta letela. “Loko rifu ri ta, a ndzi chavi ku biha ni kun’we, hikuva U na mina. Ina, hambu ndzi famba enkoveni, wa ndzhuti wa rifu, a ndzi chavi ku biha ni kun’we. Hikuva U kwalahaya.” Wa vona?

¹⁸⁰ “Loko ndzi endla byetlelo bya mina etiheleni,” Davida u teri, “kwalahaya U kona.” Amen. “Oho, loko ndzi nga teka timpapa ta ni mixo, ndzi haha, lahaya U kona. Minkarhi hinkwayo U le mahlweni ka mina, swingaleswi ndzi ngaka ndzi nga tsekatekisiwi hi nchumu.” Amen. Oho, wa mina! Teku timpapa ta tona u va u teka goza sweswi. Ina, nkulukumba.

¹⁸¹ Muprofeta loyi u tekile goza hi xihatla, ngopfu. U yile ematsolweni ya yena. Hiloko a ku, “Ndzi munhu wa milomo ya thyaka.” Swingaleswi, tani hiloko a ha tivula, hiloko ku ta ku basisiwa. Mi fanele ku tivula, kusungula. A haa.

¹⁸² Ndzi mi lava mi xiyisisa. Loko, muprofeta loyi, ehleketani ha swona, wa—wa wanuna loyi a yimeke ni mfumo wa federali, muprofeta la tiyisisiweke! Nakona tani hiloko a vona xivono xexo xo sungula! A nge se tshama a vona xivono, ekusunguleni. U vile na xona hi ndlela yin’wana. U twile ku fambisiwa hi Xikwembu kutani a famba kuya hi Rito. Kambe eka lowu nkarhi a kuri xivono lexi nga erivaleni, kutani u huwelerile, “Ndzi munhu wa milomo ya thyaka, ni vanhu lava va thyakile. Yo mina, hikuva ndzi vonile kukwetsima ka Xikwembu ku kombisiwa.”

Nakona ntsena hi langutile eka xona. Hi fanele hi hahela ekule. Wa vona? Wa vona?

¹⁸³ “Ndzi munhu wa milomo ya thyaka.” U yile ehansi e altareni, hiloko a ku, “Ndzi munhu wa milomo ya thyaka, Hosi. Xana ndzi boheka ku endla yini? Xana ndzi nga endla yini, hikuva ndzi Ku vonile u tikombisa kwalahawani? Ndzi vonile Ntsumi yi ninginisa nchumu. Ndzi yi vonile yi vulavula, ni swin’wana swi famba endzhaku lahaya ekusuhi.” Amen.

Ndza tshembha leswaku a mi etlelanga. Oho, mina! Vulavula, swin'wana swi humelela. Wa kwetsima!

¹⁸⁴ Ku humelerile yini? Swingaleswi hi kuma leswaku, u tivurile vudyoho bya yena. Nakona ntsena loko a tava a swi endlile, Rito leri lerikulu leri a ri ri eku vulavuleni, ri hahela ehansi. Ri teka voko ra yena, ri teka ritlaho, ri rhwala kala, yi ri veka ehenhleri ka voko ra Yona. Yi ta, yi Ri vekela emilon'weni ya Esaya, yi n'wi basisa.

¹⁸⁵ Xiyisisani, a nga kalanga a n'wi rhumela kuya kuma Ph.D. digri. A nga kalanga a n'wi nyika buku ya milawu a dyondza. Kambe Xona, Xikwembu, a xi kombeta muprofeta leswaku ku basisa ka Xona ka matimba a kuri hi Ndzilo lowu humaka e altareni. Amen.

Matimba ya Xikwembu namutlha yo basisa a ma bumabumeli mikhuva kumbe ku joyina kereke. I matimba ya Moya wo Kwetsima ni Ndzilo lowu wu xikaka wu basisa munhu eka hinkwako ku ka a nga pfumeri ka yena. Amen.

¹⁸⁶ Ndlela ya Xikwembu yo basisa muprofeta i ndzilo, ku ngari mikhuva. Xana muprofeta a nga tiva yini ha mikhuva? U ya ekutirhisiweni hi Xikwembu. Rito ri ta kombisiwa hi yena. Swingaleswi Xi ngaka xi nga n'wi nyiki mikhuva, a ha khomelerile eka mikhuva ya leyo. Swingaleswi Yi tekile Ndzilo lowu humaka e altareni yi basisa muprofeta.

¹⁸⁷ Kutivula, xosungula, ku ta kubasisiwa hi Ndzilo. Kukwetsima a kuve eka Xikwembu! Oho, langutani! Ku tivula, kusungula; kubasisiwa, xa vumbirhi; ku lerisa, xa vunharhu. Amen. Kwalaho mi nga kona. Xosungula, ku tivula, "Ndzi hoxile." Xavumbirhi, ku basisiwa. Ku lulamisiwa, kukwetsimisiwa, ni nkhuvalo wa Moya wo Kwetsima. Ku tivula; ku basisiwa; ku lerisiwa. "Yanani ha kona emisaveni hinkwayo mi ya va byela Evhangelu. Hi wona masingita lama nga ta endliwa hi lava pfumeleke." Amen.

¹⁸⁸ Endzhaku ka kutivula ku ta kubasisiwa. Endzhaku ka ku basisiwa ku ta kulerisiwa. Ku chumayela Evhangelu, kuhorisa vavabyi, a swi na mhaka ni leswaku vanhu vari yini.

¹⁸⁹ Ekuheteleleni, muprofeta yaloye lontsongo wo rhandzeka, u file hiku xanisiwa, hi ku sahiwa a va swiphemu swi mbirhi hi saha. Huh!

¹⁹⁰ Tsundzukani, a kuri nkarhi lowu Esaya a nga tivula leswaku u hoxile. Hinkwako a hoxile. A dyondze ehansi ka mukhuva, wa vona, a dyondza ehenhleri ka-ka munhu, vululami lebyi endlilweke hi munhu. U vonile hosi leyi a yi ri munhu wa kahle. A ri munhu loyi a khongela, kambe u swi vonile leswaku hinkwavo vanhu va ta hluleka. Wa vona? Kambe loko a tava a swi ncincile sweswo, a languta ehenhla lahawani a vona xivono, leswi Xikwembu a xi ri Xi swona,

hiloko a ku, “Ndzi lava ku tivula. Leswaku ndzi hoxile. Mikhuva ya khale yi ngaka yi nga ha tirhi nakambe, hikuva wa file ni ku tsandzeka. Wa vona? Va biwile hi nhlokonho. Kambe ndzi vonile ku kwetsima ka Xikwembu ku kombisiwa.”

Mukhuva yi ngaka yi nga swi kombisi sweswo. Mukhuva wu ngaka wu nga Ri vurisi xiswona sweswo. Mukhuva wu ngaka wu ngaka wu nga swi endli hi ndlela ya leyo. Swi teka Kreste ku swi endla hi ndlela ya leyo.

Kutani tani hiloko a ha vona sweswo, u teri, “Sweswi, ndzi vile la a hoxeke, Hosi.” Nakona ku ta ku basisiwa. Kutani ku ta ku lerisiwa. Oho, mina!

¹⁹¹ A kuri nkarhi walowo loko kubasisiwa ka Esaya. . . loko Xikwembu xi vitana xi ku, “I mani a nga taya ematshan’wini ya Mina?”

Nakona a kuri Esaya loyi a ngeteri, “Hosi, hi mina loyi. Ndzi rhume.” Muprofeta la basisiweke!

¹⁹² Oho, a mi wu voni, nkucetelo xana? Mi nga teki nkucetelo wa Marthella. Ndza tshembha lero a hi vito leri nga kona lahawani. Mi nga teki mavito ya—ya nkucetelo wa xinhwenyetana xin’wana lexi xi yaka e xikolweni xale henhla na wena, kumbe xikolo xa ntolovel, kumbe makhelwana wa muakelana loyi a kerheke misisi ya yena a tlhela a ambala swo koma. Mi nga teki nkucetelo walowo. Mi nga teki nkucetelo wa mufundhisi wa mikhuva loyi a tsan’waka Rito ra Xikwembu a minyika mukhuva. Mi nga teki nkucetelo walowo.

Kambe yimani lahaya kufikela laha mivonaka ku kwetsima ka Xikwembu ku wa, mi vona swin’wana swi fambisiwa hi ku hetisisa ka swona, nakona mi swivona swi humelela hi ndlela leyi Xikwembu xi nga swivurisa xiswona. Swingaleswi huwelelani mi ku, “Yo mina, Hosi. A ndzi ri eku hoxeni. Ndzi basise sweswi, Hosi. Ndzi basise. Moya wa Xikwembu lexi Hanyaka, wu wela eka mina hi ku tenga.”

Loko kala ra Ndzilo ri khumbhile muprofeta,
Ri n’wi endla a tenga tani hi leswi a nga va
xiswona,

Loko Rito ra Xikwembu ri teri, “I mani a nga
taya ematshan’wini ya hina?”

Swingaleswi u hlamurile, “N’wini, hi mina
loyi. Ndzi rhumi.”

A tilulamiserile. A vonile swin’wana. Ina, nkulukumba.

Mamiliyoni sweswi male vudyoheni ni wa
tingana wa fa;

Yingisani vusiwana bya vona ni ku rila ka
vona loku ku bavaka;

Hatlisa, makwerhu, hatlisela ku ya va pfuna;
Nhlamulo ya xihatla, “N’wini, hi mina loyi.”

193 Swin'wana swi fanele ku endliwa. Ku leti tani hilaha hi ehleketisaka xiswona. I ngaku xivono xa Xikwembu xi nga ha kucetela vanhu, leswaku va nga ha vona leswaku Xikwembu xexiya a xi ri etempeleni na Esaya xa hari Xikwembu xin'we ni lexi xi nga endhawini ya Xona leyi yi kwetsimaka na muntlha. Xile ndhawini leyi kwetsimaka ya Moya wo Kwetsima. Hi Xona Moya wo Kwetsima. Xi tshame xi va nyama. Sweswi Xi Moya, lowu famba-fambaka exikarhini ka vanhu va Xona, xi tikombisa xona hi Xoxe leswaku xa hanya; ku ngari mukhuva lowu wu nga fa, kambe Kreste loyi a hanyaka, la fanaka ni tolo, namutlha, ni hilaha ku nga heriki. Oho, Esaya, hi xihatla u hlamurile, "N'wini, hi mina, ndzi rhume."

194 A hi khongeleni ni tinhloko ta hina leti ti korhameke.

Loko kala ra Ndzilo ri khumbhile muprofeta,
Ri n'wi endla a tenga tani hi leswi a ngavaka
xiswona;
Loko Rito ra Xikwembu ri teri, "I mani a nga
taya ematshan'wini ya hina?"
Swingaleswi u hlamurile, "Hi mina loyi. Ndzi
rhume!"

Kun'we:

Vulavula, Hosi ya nga. Vulavula, Hosi ya nga.
Vulavula, nakona ndzi ta hatlisa ku Ku
hlamula.
Vulavula, Hosi ya nga. Vulavula, Hosi ya nga.
Vulavula, nakona ndzi ta hlamula, "Hosi, ndzi
rhume."

Sweswi, ku ngahava kuri makhelwana wa wena. Ku nga hava kuri wansati loyi u tirhaka na yena, wanuna loyi u tirhaka na yena. Kambe va ni . . .

Mamiliyoni sweswi male vudyoheni ni wa
tingana wa fa, eka mikhuva ni tikereke-
vito;
Oho, yingisani vusiwana bya vona ni ku rila
ka vona loku ku bavaka;
Hatlisa, makwerhu, hatlisela ku va pfuna;
Nhlamulo ya xihatla, "N'wini, hi mina loyi."
Vulavula, Hosi ya nga. Vulavula . . .

"Ndzi vonile xivono lexi humaka eka Hosi. Ndzi xivonile xi humelela."

. . . nakona ndzi ta hatlisa ku hlamu- . . .

Khale a vulavurile sweswi.

Vulavula, Hosi ya nga. Vulavula, Hosi ya nga.
Vulavula, nakona ndzi ta hlamula, "Hosi, ndzi
rhume."

¹⁹⁵ Sweswi, ni tinhloko ta n'wina leti korhameke, ndza hlamala, emadyamyini lawa. Tani hilaha ndzi mi byeleke, ku ta ehansi, ndzi ringeta ku hlaya swin'wana ndzi ehleketa leswaku swi ta mipfuna.

Mi n'wi vonile muprofeta yaloye. A ri wanuna wa kahle. U tswariwile hi xikongomelo xa kuva muprofeta. U swi vonile leswaku u tekile patu ro hoxeka. A tiseketela emavokweni ya Ozias, hosi. U swivonile leswaku a ngaka u nga tiseketeli ehenhleri ka mavoko ya nyama. Ya loviseka. Swi hoxekile. Kambe languta ehenhla u ta vona Xikwembu xi tshamile ehenhleri ka xiluveko xa Xona. Languta ehenhla eka Yesu. U teri, "Hi Mina tolo, namutlha, ni hilaha ku nga heriki." Mi nge Yena a mi tlakusela eMoyeni. Mi languta mi vona loko Yena a ngari la fanaka ni tolo.

¹⁹⁶ Loko Esaya yaloye lontsongo a vona xivono xa Xikwembu xi enhlela ehansi eka vona, eka tempele ya leyo, a ti lulamiserile ku tivula ku hoxa ka yena. A ti lulamiserile ku tivula leswaku a nga endlangi swa kahle. Xana a hahele etikweni xana? Xana a endlile swin'wana ni swin'wana leswi a swi ri kahle, ekusunguleni xana? Swin'wana ni swin'wana leswi a nga swi endlaka. Ekuheteleleni, u lemerile vumbhoni bya yena hi ngati.

¹⁹⁷ Ndza ehleketa leswaku sweswo ku tava kuri ku tatiwa ka hina hinkwerhu. I vangani lava titwaka tani hiloko va nga ku, va twa Xikwembu xi ku, leswi mi nga ta swi tsakela. . . Mi nga ha ku eka Xikwembu, "Hi mina loyi. Ndzi rhume"? Yimisani mavoko ya n'wina.

"Hi mina loyi. Mi nge ndzi mbhonyela eka wanuna wa masi. Mi nge ndzi mbhonyela eka—eka un'wana ni un'wana loyi ndzi nga swi kotaka. Ndzi endla swin'wana, mi nge ndzi endla swin'wana. Hosi, a ndzi kombeli kuva muchumayeri. A ndzi kombeli kuva *leswi*. Kambe, Hosi, loko ndzi ri n'wamapurasi, ndzi endlile n'wamapurasi loyi a nga ta mbhonyela eka makhelwana wa n'wamapurasi. Ndzi endlile ndzi va n'wamapurasi loyi, loko ndzi xavisa mbewu ya mina, ndzi nga ha mbhonyela eka la tirhaka hi mbewu. U nge ndzi va n'wamapurasi. Loko ndzi ri—loko ndzi ri wansati, ndzi pfumeleri ndzi mbhonyela eka wanuna wa ndzinzakhombo. Ndzi pfumeleri ndzi mbhonyela eka wanuna wa masi, eka jaha ra phepha. Ndzi pfumeleri ndzi endla swin'wana, Hosi. Ndzi pfumeleri ndzi ya eka va ekelani ndzi ya tsakela hi sesi wa mina lahawani, makhelwani, wa mubihi ni la a ngariki kahle. Ndzi pfumeleri ndzi nyika vumbhoni bya yena hi ku basa. Ndzi pfumeleri ndzi tifunengeta xikandza xa mina hi timpapa ta mina ta vumunhu. Ndzi pfumeleri ndzi funengeta mikondzo ya mina ku fana. Ndzi pfumeleri ndzi va ni xichavo e Vukoneni bya Wena. Kambe ndzi engeteleri tin'wana timpapa timbirhi, Hosi, hi ku hatlisa, eka un'wana. Hi mina loyi. Ndzi rhume. Ndzi rhume."

¹⁹⁸ Eka ku xixima loku, a hi yimeni hinkwerhu hi ta endla xikhongelo xo hlawuleka eka Xikwembu.

Lowa Matimba hinkwawo u lahawani. Ma swi pfumela xana? [Nhlengeletano yi ku, “Ina.”—Muhleri.] Hile Vukoneni bya Yena bya Matimba. Mi nga swi rivali sweswo sweswi. Vukona bya Xona byi kwalahawani ntsena tani hi laha a byi ri xiswona. Hakunene-nene, kusukela loko ndzi tava ndzi yimile kwalahawani, ndzi vonile mune kumbe ntlhanu wa swivono leswi nga humelela. Sweswo hi swona. Sweswo hi swona. A swi ri eka vambirhi kumbe vanhu vanhurhu lava va nghanaka kereke ya leyi. A ndzi kalanga ndzi vula nchumu. Kambe Xi kwalahawani ku fanana. Swikahle.

Sweswi, lexi hi lavaka ku xi endla, un’wana ni un’wana wa n’wina hi ndlela leyi yi nga ya n’wina, a hi hlawulekeni eka Xikwembu.

Ha xivona xikombiso xa ku humelela ka ku vuya ka Yena loku ku katekeke,
Langutani, nakona vonani matluka ya nkuwa ya va ya rihlaza;
Evhangeli ya ku Fuma yi yile eka tiko rin’wana ni rin’wana;
Nakona hile kusuhi; makumu ma nga ha voniwa.

Sweswo hi swona. A hi swona sweswo xana? [Nhlengeletano yi ku, “Amen.”—Muhleri.]

Hi famba hi ku tsakisa hi twarisa Hungu ra ku humelela ka kukateka ka Yena,
Ku ngari khale U ta vuya hi ku kwetsima, ku ta byela un’we ni hinkwavo;
Swingaleswi phaphamani, n’wina vakwetsimi va Hosi? Hikokwalaho ka yini mikhuzehela loko makumu yari ekusuhi?
A hi tilulamiseli ku vitana kwaloko ko hetelela. Amen.

Matiko ya fayelegeleka, Israel ra pfuka.

Hi yena tiko sweswi.

Swikombiso leswi vaprofeta va nga swivula;
Masiku ya Vamatiko ya pimiwile, ku hatlisela ku wisa.

Ma ya vona loko ya ta lahaya; kungari ntsena matiko, kambe tikereke.

Tlhelelani, O ku hangalaka, ka n’wina.
Siku raku Kutsuriwa ri fikile,
Timbilu ta vanhu ta hluleka hi ku chava,
Tatiwani hi Moya wa Yena, mavoni ya n’wina a ma lulamisiwi ma basa;

Langutani ehenhla, Kukutsuriwa ka n'wina
ku fikile.

Vaprofeta vamavunwa vale ku hembeni,
Ntiyiso wa Xikwembu va wu tsan'wa,
Yesu yaloye a nga Kreste i Xikwembu xa
hina.

Ma switiva leswaku vatano.

Kambe hi ta famba laha vaapostola va nga ku
kandziya.

Hikuva Siku raku Kutsuriwa ri fikile,
Timbilu ta vanhu ta hluleka hi ku chava;
Tatiwani hi Moya, mavoni ya n'wina a ma
lulamisiwi ya basa,

Langutani ehenhla, siku raku Kutsuriwa ka
n'wina ri fikile.

¹⁹⁹ Sula musu walowo wa dinominexini. Sula xivati xexo xa
misava. Ngati ya Yesu Kreste yi enele ku tlurisa ku mi basisa.
Langutani ehenhla. Vongani mavoni ya n'wina. Tekani
timpapa leti mi hahela eka un'wana ekule.

A hi yimiseni mavoko ya hina sweswi hiku, "Xikwembu, hi
mina loyi. Ndzi rhume."

²⁰⁰ Tatana la nga Matilweni, ndzi ti hlawulela Wena,
emadyambyini lawa, Hosi, ni kereke leyi, endzhaku ka
Hungu leri, leri ringariki ro tlanga, ro tika, "Hi mina loyi,
Hosi. Ndzi rhume."

Hi leyi kereke ya mina, Hosi. Leswaku va nga ha
funengeta xikandza xa vona hi xichavo. Leswaku va nga ha
funengeta milenge ya vona hi vumunhu. Leswaku va nga
hava ni nhlohlotelo wa ku haha ni Hungu, hi xihatla, kuya
eka un'wana. Hi nyike swona, Hosi. Leswaku va nga ha
mbhonyela hi ku basa, vava munyu wa misava, ni Muponisi
wa wona eka wona.

Hosi Xikwembu, hi leri gandzelo ra hina. Hi loku ku
nyikela ka hina. Hi loku ku khensa ka hina. Hi leswi hi
swi navelaka, Hosi. Hi rhumi, emadyambyini lawa, eka
un'wana loyi a lahlekeke. Leswaku hi nga ha va kokela
ekerekeni mundzuku kun'wana. Leswaku hi nga hava
dyondzisa hi ndlela ya Hosi. Leswaku va nga ha ponisiwa,
Hosi, hikuva ku leti tani hilaha hi ehleketaka ha kona. Hi
nyiki swona, Hosi.

²⁰¹ Leswaku hi nga ha swivula hi timbilu ta hina, tani
hilaha hi swivulaka, Hosi. Teka kala ra Ndzilo, wa Moya
wo Kwetsima, lowu humaka e altareni eXihambanweni.
Khumbha mbilu yin'wana ni yin'wana ni nomo,
emadyambyini lawa, Hosi, leswaku hi nga vulavuli mavunwa,
leswaku hi vulavula Ntiyiso.

Hi teki, emadyambyini lawa, Hosi, ntsena leswi hi nga xiswona. Hinkwerhu ka hina a hi swichumayeri. Hinkwerhu ka hina a hi vaprofeta. Hinkwerhu ka hina a hi vavulavuri va tindzimi. Hinkwerhu ka hina a hi va endli va mahlorhi. Kambe hinkwerhu ka hina hi na leswi hi nga ta swi endla. Hikombi laha swi nga kona, Hosi; ku mbhonyela, ku yimbelela, kumbe ku khongela. “Nakona tani hi xinkwa ehenhleri ka mati, swi ta tlherisela eka rin’wana siku ro kwetsima.” Hi nyiki swona, Hosi. Hi hina lava. Hi rhume eka va ekelana va hina, laha hi nga fikaka, ku ya eka vanhu va vanakulorhi va hina, nikuva byela hi ta ku Vuya ka Hosi. Hi nyike swona, Tatana.

²⁰² Hikatekisi sweswi. Leswaku hi nga ha va ni ku wisa ka kahle emimirini ya hina emadyambyini lawa. Leswaku hi nga ha pfuka hi ta ekerekeni ni mixo. Leswaku U nga ha vulavula hi—hi matimba swinene mundzuku, leswaku U nga tshiki ni ribye na rin’we ri nga endlanga, leswaku munhu un’wana ni un’wana a nga ha switiva leswaku a nga nghena njhani eka Leswi. Hi dyondzisi, Hosi. Hi languterile. Hi dyondzisi emixweni leswi hi nga tisaka xiswona eka ku pima loku hetisekeke laha hi nga tava majaha ni vanhwanyana va Xikwembu. Hi yimele Wena, Hosi, ni kala ra Ndzilo leri lulamisiweke ku ta vekiwa emilon’weni ya hina. Hi rindzerile, Tatana, hi Vito ra Yesu.

²⁰³ Sweswi, ni tinhloko ta hina leti korhameke, ndzi ta kombela mufundhisi ku ta emahlweni ku ta ntshuxa xikhongelo.

Xikwembu a xi mikatekisi. Hi pfumela leswaku hi ta vonana ni mixo, sweswi. Xikwembu a xive na n’wina, horisa vavabyi hinkwavo ni lava va karhatekaka exikharhini ka hina. Endla un’wana ni un’wana wa n’wina. . .

Ndzi titwa ndzi tatiwa hi Moya sweswi. Ndzi twa Moya wo Kwetsima. Ndzi twa Vukona bya Xona. Ndza switiva leswaku Xi kwalahawani. Ndza pfumela Xi kwalahawani. Ndza Xi vona. Ndza switiva Xi kwalahawani. Ndza Xi vona xifamba-famba, Langavi lero ra kahle ra Ndzilo, wa kwetsima, ku tikombisa ka Xivumbiwa xa Xona, ku Phamela ka Vukona bya Xona, Xivumbiwa xa xiyimo xa Xona xo saseka.

Xikwembu, wunga vanhu lava. U nga pfumeleri na un’we wa vona a lahleka, ndza khongela. Ku kwetsima a kuve ka Xikwembu!



NKUCETELO WA UN'WANA TSO62-1013
(The Influence Of Another)

Hungu leri hi Makwerhu William Marrion Branham, ri sungurile ri hangalasiwa hi Muqhivela ni madyambu, Nhlangula 13, 1962, eBranham Tabernacle eJeffersonville, Indiana, U.S.A., ri tekiwile kusuka eka nkandziyiso wa thepi ya maginetiki kutani yi tsariwa yi nga khomananga hi Xinghezi. Hundzuluxo lowu wa Xitsonga wu tsariwile wu hangalasiwa hi Voice Of God Recordings.

TSONGA

©2013 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
P.O. Box 178, SOMERSET WEST, 7129 CAPE PROVINCE,
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Xitiviso Xa Mpfumelelo Wo Kopa

Timfanelo hinkwato ti hlayisiwile. Buku leyi yi nga ha kandziyisiwa hi printara yale kaya leswaku munhu a ti tirhisela kumbe ku yi phakela, yi nga hakerisiwi, tani hi xitirhi xo hangalasa Evhangelu ya Yesu Krete. Buku leyi a yi xavisiwi, yi humesiwa hi xikalo lexikulu, yi vakeriwa eka “website,” yi hlayisiwa eka tisisiteme leti ti nga swi kotaka kuva yi tekiwa, yi hundzuluxeriwa eka tindzimi tin’wana, kumbe yi tirhiseriwela eka nkwama lowu wu nga pfumeleriwa handle ka nhlamuselo leyi yi nga tsariwa ya ku pfumeleriwa hi Voice Of God Recordings®.

Vuxokoxoko byo tala kumbe nhundzu yin’wana leyi yi nga kona, mi komberwa ku ti hlanganisa na:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org